

Nalinginnaasumik nassuiaatit

1. Siunnersuummut tunuliaqutaasut

Inatsisartut Landskarsip Naatsorsuutaasa Kukkuersiorneqartarnerannut Ataatsimiititaliaat (matuma kingorna „Inatsisartut Kukkuersiuinermut Ataatsimiititaliaat"-nik imaluunniit „Kukkuersiuinermut Ataatsimiititaliaq"-mit taagorneqartup) maleruagassat maanna atuuttut malillugit Landskarsip nuaatsorsuutaanut sullivinnullu nammineertitanut tunngassutilinnik taamaallaat paasisaqarsinnaatitaavoq. Namminersornerullutilli Oqartussat aktieselskabiutaat Kukkuersiuinermut Ataatsimiititaliamit nakkutilliisuuffigineqartussaangillat. Taamaammat Namminersornerullutik Oqartussani 90' ikkut ingerlatilernerini suliffeqarfiit pisortanit pigineqartut arlallit aktieselskabinngortiterneqarnerat malillugu Namminersornerullutik Oqartussat pigisaannik nalilinnik Inatsisartut paasitineqarsinnaatitaanerat annikilliartuaarsimavoq.

Inatsisartut 2000-imi ukiakkut ataatsimiinneranni Inatsisartut Kukkuersiuinermut Ataatsimiititaliaata nalunaarummini maluginiaqquaa tamanna Inatsisartut aningaasaliissuteqartartuusutut pissaaneqarnerannut aningaasaliissutigineqartunillu nakkutilliisuunerannik inuinnaat naalackersueqataaneranni nalinginnaasumik akuerisaalluni tunngaviutinneqartumut naapertuulluanngitsoq. Tamanna tunngavigalugu Kukkuersiuinermut Ataatsimiititaliap oqartussaassuseqarnerata annertusineqarnissaa Kukkuersiuinermut Ataatsimiititaliamit ujartorneqarpoq, ataatsimiititaliallu ilaasortai 2001-imi Inatsisartut ukiakkut ataatsimiinnerisa nalaani aalajangiiffigisassatut siunnersuummik saqqummiussinermikkut tamatumunnga malitseqartitsipput.

Aalajangiiffigisassatut siunnersuutip suliarineqarnerani Kukkuersiuinermut Ataatsimiititaliap tunngaviummik isummersuutai Inatsisartunit taparserneqarput. Tassunga ilassutitut Inatsisartunit tikkuarneqarpoq inatsisartutigoortumik nakkutilliinermi killissarititaasut pitsanngorsarneqarnerat kisat aqquutiginagu aammali aktiaatilittut inissisimanermik Naalackersuisut ingerlatsineranni killissarititaasut pitsanngorsarnerisigut Namminersornerullutik Oqartussanit aktieselskabit pigineqartut ingerlatsivigineqarneranni Namminersornerullutik Oqartussat aktiaatilittut soqutigisaannik isumaginninnerup patajaallisaavigineqartariaqarneranik pisariaqartitsineq ulluinnarni misilittakkat takutikkaat.

Aktieselskabit Namminersornerullutik Oqartussanit tamakkiisumik ilaannakuusumilluunnit pigineqartut pillugit Inatsisartut

paasitinneqarsinnaatitaanerat pillugu Inatsisartut Naalakkersuisullu pillugit Inatsisartut inatsisaata allanngortinneqarneranik Inatsisartut inatsisissaattut siunnersuummik Kukkunersuineranut Ataatsimiititaliaq Inatsisartut 2004-mi upernaakkut ataatsimiinneranni tamatuma malitsigisaanik oqaluuserisassanngortitsivoq (UPA 2004/51).

Inatsisartut Naalakkersuisullu pillugit Inatsisartut inatsisaannik annertunerusumik nutarterinissap pisariaqartinneqarnera nassuerutigalugu Inatsisartut Naalakkersuisullu pillugit Inatsisartut inatsisissaannik siunnersuusiortussamik suleqatigiissitamik pilersitsinissaq pillugu aalajangiiffigisassatut siunnersuut Inatsisartut 2004-mi ukiakkut ataatsimiinnermi akuersissutigaa. Tunngaviit UKA 2004/51-imi pineqartut sapinngisamik annertunerpaamik ilanngunneqarnissaat suleqatigiissitap qulakkeerniassagaa suleqatigiissitamut suliaakkiissummi aalajangersarneqarpoq.

Tamatumali kingorna 2005-imi upernaakkut ataatsimiinnermi suleqatigiissitamut suliaakkiissutip allanngortinneqarnissaa Inatsisartut akuersissutigaa. Aktieselskabit Namminersornerullutik Oqartussanit tamakkiisumik ilaannakuusumilluunniit pigineqartut pillugit Inatsisartut paasitinneqarsinnaatitaanerat pillugu apeqqutit pilertornerusumik suliarineqarnissaannik suleqatigiissitap salliutitsinissaa suliaakkiissutip allannguutaanut ilaavoq, taamaalilluni tamanna pillugu immikkut inatsisissatut siunnersuutissatut missingiusiaq 2005-imi ukiakkut ataatsimiinnermi suliarineqarnissaminut piareerneqarsinnaaqullugu.

Inatsisissatut missingiusiaq suleqatigiissitamit suliarineqartoq siunnersuummut matumunnga tunngaviusoq Kukkunersuineranut Ataatsimiititaliap siunnersuutaa annertuumik tunngavigalugu suliarineqarpoq.

Inatsisartutigoortumik nakkutilliinermut killissarititaasut pillugit Inatsisartunit saqqummiunneqartut siunnersuutikkut malitseqartinneqarput.

Suliniutit arlallit aallartinneqareersut Naalakkersuisullu aktiaatilittut ingerlatsineranni killissarititaasut patajaallisaavigineqarnissaannik siunertaqartut siunnersummit ilassuserneqarput. Ilaatigut Ingerlatseqatigiiffinnut Aqutsisoqarfiup, aktiaatilittut isumaginninnermi allaffissornikkut ingerlatsisuusup, aningaasaliissutitigut sulisoqarnikkullu patajaallisaavigineqarsimanera taaneqarsinnaavoq. Kiisalu Kalaallit Nunaanni ingerlatseqatigiiffiit pitsaasumik siulersorneqarnissaat pillugu kaammattutinik Naalakkersuisut suleqatigiissitaaliasa ilaat saqqummiussaqqarpoq. Aktiaatilinnut ingerlaavartumik nalunaarusiortarnerup patajaallisaavigineqarnissaa kaammattuutigineqartut ilagaat. Kaammattuutit ingerlatseqatigiiffinnut nassiunneqarput.

Tamatuma saniatigut aktieselskabit pillugit inatsisip nutaap aammalu ukiumoortumik naatsorsuutit pillugit inatsisip nutaap kingullertut Kalaallit Nunaannut atortuulersinneqartut ilaatigut nassatarisaannik aktieselskabit Namminersornerullutik Oqartussanit pigineqartut (aktieselskabit naalagaaffimmit pigineqartut assigalugit) maleruagassat immikkut ittut malillugit ukiumoortumik naatsorsuusiornissamat aammalu ingerlatseqatigiiffiup ineriartornera ineriartornissaatullu

naatsorsuutigineqartut pillugit nassuiaammik kiisalu ukiup affaani pineqartumi siulersuisut aalajangigaat pingaaruteqartut pillugit paasisutissiinermik imaqartussamik ukiup affakkaartumik nalunaarusiornissamat pisussaaffilerneqarput. Ukiumoortumik naatsorsuutit ukiullu affakkaartumik nalunaarusiat tamanit pissarsiarineqarsinnaammata inatsisip Kalaallit Nunaannut atortussanngortinneqarneratigut Naalackersuisut aktiaatilittut ingerlatsinerminni sinaakktissaat, taamatullu inatsisartutigoortumik nakkutilliinermi sinaakktissat patajaallisarneqarput. Aktieselskabit Namminersornerullutik Oqartussanit pigineqartut immikkut pisussaaffeqarnerisa aktieselskabinut Namminersornerullutik Oqartussanit pigineqartunut angisuunut akunnattumillu angissusilinnut taamaallaat atuuttussanngortinneqarnissaat pillugu siunnersuut Inatsisartunut ukiamut kingusinnerusukkulluunniit saqqummiunneqassaaq.

2. Siunnersuutip siunertaa pingaarnertullu imarisai

Siunnersuut una aqputigalugu Kukkunersiuinermut Ataatsimiititaliap oqartussaassuseqarnera annertusillugu Namminersornerullutik Oqartussat aktiaatilittut soqutigisaaannik Naalackersuisut isumaginninnerannik nakkutilliinermik ilaneqarpoq.

Aktieselskabini peqataanerup saniatigut Kalaallit Nunaanni Namminersornerullutik Oqartussat ingerlatseqatigeeriaatsini allani ullumikkut peqataanngillat. Ingerlatseqatigeeriaatsinili allani aktieselskabiunngitsuni imaluunniit aningaasaateqarfinni inuussutissarsiutigalugu ingerlataasuni assigissaanniluunniit Kalaallit Nunaanni Namminersornerullutik Oqartussat kingusinnerusukkut ilanngutissagalarpata Inatsisartut inatsisaannik nutarterinissaq pisariaqarsinnaavoq, taamaaliornikkut taakkunani piginnittutut soqutigisat Inatsisartut aamma inatsisaannut ilanngunneqarsinnaaqqullugit.

Naalackersuisunut ilaasortat akisussaanagerat pillugu Inatsisartut inatsisaat tunngavigalugu Naalackersuisut Namminersornerullutik Oqartussat aktiaatilittut soqutigisaannik illersorneqarsinnaa-sumik isumaginninnissamik pisussaaffeqarput. Pisussaaffik tassaavoq nakkutilliinissamat akisus-saaffeqarneq: Ingerlatseqatigiiffiup aningaasaqarnerata pingaarnertut ineriartorneranut malinnaanissamat pisussaaffik aammalu – inatsisitigut killissarititaasut atuuttut, tassunga ilanngullugu aktieselskabit pillugit inatsisip iluani – Namminersornerullutik Oqartussat ingerlatseqatigiiffimmi aningaasaataasa ulorianartorsiortinneqarnerannik kinguneqartumik aningaasaqarnikkut ineriartornermut akulerussinnaaneq.

Inuiaqatigiinni inuuttaqqortuuni niunernerme nukiit aktieselskabinut naalagaaffimmit imaluunniit Namminersornerullutik Oqartussanit pigineqartunut ingerlatsinerminnik annertusaanissamat aningaasaqarnikkullu pisariaqartunik innimiginninnissamat kajumilersitsisarnerat inuiaqatigiinni innuttakinnerusuni killilimmillu unamillerfiusuni atuutinngimmat nakkutilliinissamik piumasaqaat sakkortunerusumik atuussorinarpoq. Tamanna minnerunngitsumik atuuppoq ingerlatsinikkut pitsaannngitsumik angusaqarnissap pisortat tapiissuteqarnerisigut aningaasaliiffiginninnerisigulluunniit annikillisinneqarnissaanut periarfissalinni.

Taamaammat Namminersornerullutik Oqartussat nalilinnik pigisaasa akisussaassuseqartumik aqutsiviginissaasa nassatarissavaa Naalakkersuisut aktiaatilittut inissisimanerminnik *pimoorullugu* tigusinissaat, tassa imaappoq, selskabit Namminersornerullutik Oqartussanit pigineqartut sunniutilimmik nakkutilliivigalugit, Namminersornerullutillu Oqartussat selskabimi nalilinnik pigisaat aarlerinartorsiortinneqalissagaluarpata akulerunnissamut periarfissamik pimoorullugu atuillutik.

Ingerlatseqatigiiffimmut tunngasumik aktiaatillit assigiinnigitsutigut qisuariarnissaannut aktieselskabit pillugit inatsit arlalinnik periarfissiivoq. Namminersornerullutik Oqartussat aktiaatilittut soqutigisaannik ingerlatsisutut (Namminersornerullutik Oqartussat aalajangiisuusumik siunniuteqarsimappata) Naalakkersuisut assersuutigalugu ataatsimeersuarnerni siulersuisunik taakkuluunniit ilaannik atuukkunnaarsitsinissaq aalajangiussinnaavaat.

Kiisalu Naalakkersuisut (Namminersornerullutik Oqartussat aalajangiisuusumik sunniuteqarnerat apeqqutaatilugu) ataatsimeersuarnerni sulianut aalajangersimasunut tamanut akuliussinnaallutillu suliaq taanna pillugu siulersuisunut aalajangersimasumik ilitersuisinnaallutillu peqqusisinnaapput. Taamaattorli aktiatillit allat ingerlatseqatigiiffiilluunniit annaasaqaatigisinnaasaannik aktiaatillit ilaannut allanulluunniit ersarilluinnartumik pissusissamisunnigsumik iluaqusiisinnaasumik siulersuisut iliuuseqannginnissaat imaluunniit aktieselskabit pillugit inatsimmut ingerlatseqatigiiffiilluunniit malittarisassaanut akerliusunik ataatsimeersuarnerni aalajangiussanik malinninnginnissaat aktieselskabit pillugit inatsimmi § 63-imi pingaarnertut aalajangersakkap killiliiffigaa.

Ingerlatseqatigiiffimulli akulerunnerit ima sakkortussuseqaratillu akulikitsigisariaqanngillat ingerlatseqatigiiffimmik aqutsinermik ataatsimeersuarneq tigusisimasutut oqaatigisariaqalerluni, aqutsinermi aktieselskabinut inatsit naapertorlugu siulersuisuniillunilu qullersaniimmat.

Taamaalilluni aktiaatilittut inissisimanermik isumaginninnissamik piunasaqaatip aallaavittut isigalugu kingunerissanngilaa aktieselskabip annikitsutigut ingerlatsivigineqarneranut Naalak-kersuisut sunniuteqarnissaat. Ingerlatseqatigiiffimmi pineqartut naalakkersuinikkut aqunneqaratik inuussutissarsiormermik tunngaveqartuluni aqunneqarnissaat qulakkeerniarlugu aktieselskabitut ilusiliineq toqqarneqarpoq. Inuussutissarsiutinik ingerlatsisut inuussutissarsiutitigut sullivimmik ingerlatsinissamut inuit qinigaannit pitsaanerumik tunngavissaqarnerat nassuerutigalugu tamatumunnga Inatsisartut tapersiippat.

Akerlianilli aktiaatilittut eqiingasumik ingerlatsinikkut Naalakkersuisut ingerlatsinermut killissarititaasunik aalajangersaassapput, taakkulu tunngavigalugit angusanik nakkutilliissallutik (tassa ingerlatseqatigiiffiup ingerlanneqarneranik ingerlaavartumik naliliisarnikkut aammalu ingerlatseqatigiiffiup niuernermik pitsaanerpaamik tunngaveqarluni ingerlanneqannginneranut takussutissaqarnermi

qisuariartarnikkut), soorlu ingerlatseqatigiiffik piginnittuusoq ingerlatseqatigiiffiutiminut taamaa iliortartoq.

Tamatuma peqatigisaanik inatsisartoqarnerup tungaanit isigalugu Namminersornerullutik Oqartussat naliliutaat akisussaassuseqartumik aquneqassappata aktiaatilittut Naalakkersuisut ingerlatsinerannik Inatsisartut eqqumaffiginninnissaat, tamatumingalu ingerlatsineq naammaginatartumik pinngippat naalakkersuisunikkut akisussaatisinnaanissaat pisariaqarpoq.

Namminersornerullutik Oqartussat aktiaatilittut soqutigisaannik Naalakkersuisut ingerlatsinerannik Inatsisartut nakkutilliineranni atugassatut Inatsisartut (Inatsisartut Kukkunersiuinermut Ataatsimiititaliaata) paasissutissanik Naalakkersuisut pissarsiarisinnaasaasa assingunik pissarsisinneqarsinnaanissaat tunngavissaatinneqarpoq. Inatsisartut (Inatsisartut Kukkunersiuinermut Ataatsimiititaliaat) paasissutissanik Naalakkersuisut pissarsiarisinnaasaasa assingunik pissarsisinnaappata Naalakkersuisut pisuni aalajangersimasuni akisussaassuseqartumik iliuuseqarsimanersut (tassa aktiaatilittut piginnaatitaaffimminnik naleqquttumik atuisimanersut) Inatsisartunit aatsaat naliliiffiqeqarsinnaavoq. Tamatumani paasissutissat *pissarsiarissallugit* Naalakkersuisut *periarfissaqarfigi(sima)saat* tunngavigalugit Naalakkersuisut naliliivigineqartariaqarput – tassa paasissutissat Naalakkersuisut piniarsimasaat kisiisa tunngaviginagit. Naalakkersuisut kikkulluunniit aktieselskabimi naapertuutinnigissinnaasunik piaaralutik ilisimasaqarnaveersaarnermikkut Namminersornerullutik Oqartussat aktiaatilittut soqutigisaannik isumaginninnerminnut atatillugu inatsisitigut naalakkersuinikkulluunniit akisussaaffimminnik qimarratiginnissinnaasariaqassanngillat. Taamaammat Kukkunersiuinermut Ataatsimiititaliap paasissutissanik sunilluunniit Naalakkersuisunit pissarsiarineqarsinnaasunik pissarsiniarsinnaatitaasariaqarnera siunnersuummi matumani tunngaviusumik aallaaviuvoq.

Tamatuma kingunerisaanik Kukkunersiuinermut Ataatsimiititaliaq pisariaqarpat aktieselskabit pillugit inatsimmi ingerlatseqatigiiffiulluunniit malittarisassaani periarfissiissutaasut atornerisigut aktieselskabimit paasissutissanik erseqqinnerusumik nalunaakkanik pissarsiniarnissamik Naalakkersuisunut peqqusisinnaassasoq siunnersuutigineqarpoq. Ataatsimiititaliap kaammattuineratigut paasissutissat Naalakkersuisut pissarsiatik kinguarsaanertaqanngitsumik ataatsimiititaliamut atugasiissutigissavaat.

Aktieselskabini Namminersornerullutik Oqartussanit tamakkiisuunngitsumik pigineqartuni Naalakkersuisut paasissutissanik ingerlatseqatigiiffinnut tunngasunik pissarsisinnaanerat paasissutissanut ataatsimeersuarnermi, tassungalu ilanngullugu ingerlatseqatigiiffimmi immikkut ittumik ataatsimeersuarnermi, aktieselskabit pillugit inatsimmi aalajangersakkat naapertorlugit aktiaatillinnit pissarsiarineqarsinnaasunut killiligaavoq (Namminersornerullutik Oqartussat siulersuisuni sinniisorisaat aqqutigalugit Naalakkersuisut paasissutissanik pissarsisinnaanerat inatsilerinerup tungaanit isigalugu oqallisaasarpoq, taamaammallu matumani pineqartunut tunngatillugu isiginiarneqassanngitsoq toqqarneqarluni).

Matumanili pineqartoq pingaarnerpaaq tassaavoq aktieselskabit pillugit inatsimmi § 76 naapertorlugu aktiaatillip paasissutissanik pissarsisinnaatitaanera. Aalajangersagaq taanna naapertorlugu aktiaatilik makkuninnga pissarsisinnaatitaavoq: "...paasissutissanik tunniuteriaannarnik, pissutsinik tamanik ukiumoortumik naatsorsuutitut nalunaarummullu aammalu ingerlatseqatigiiffissuussappat taassuma ukiumoortumik naatsorsuutaanut ingerlatseqatigiiffiullu ingerlaneranik naliliinissamik pingaarutilinnik, imaluunniit apeqqutitut ataatsimeersuarnermi aalajangiiffigineqar-tussanut tunngasunik. Ilisimatitsisussaataaneq suliffeqarfissuarmi ataatsimi selskabip ataatsip selskabinut allanut tunngatillugu attaveqarneranut aammattaaq atuuppoq." Paasissutissiisus-saatitaanerli pissaaq paasissutissat pineqartut "ingerlatseqatigiiffimmut annertuumik ajoqutaatin-nagit".

Tamatuma saniatigut aktieselskabit pillugit inatsimmi § 71 naapertorlugu oqaluuserisassamik suqaluartumilluunniit aktiaatilik ataatsimeersuarnermi suliaassanngortitsisinnaallunilu aktieselskabit pillugit inatsimmi § 86 naapertorlugu qalaajagassanngortitsisinnaavoq.

Aktieselskabinut Namminersornerullutik Oqartussat kisimiillutik aktiaateqarfigisaannut tunngatillugu aktieselskabit pillugit inatsit aallaavittut isigalugu taakku assinginik killiliivoq, tamatumalu kingunerisaanik ingerlatseqatigiiffiup ataatsimeersuarneranut atatillugu Naalakkersuisut paasissutissanik pissarsiniartariaqassapput. Tunngaviusumilli isigalugu kisimiilluni aktiaatillip paasissutissanik pissarsiniarnissamut periarfissai killileqarsorinangillat. Taamaalillunilu paasissutissanik erseqinnerusumik taaneqartunik pissarsiniarsinnaaneq ingerlatseqatigiiffiup malittarisassaanut ilanngunneqarsinnaavoq, soorluttaaq ataatsimeersuarnermi immikkulluunniit ittumik ataatsimeersuarnermi aalajangiinikkut paasissutissinneqarnissaq Namminersornerullutik Oqartussat kisimiillutik aktiaateqartuusut qulakkeersinnaagaat (Tamatumani Danmarkimi Aningaasaqarnermut ministereqarfiup, Inatsiseqarnermut ministereqarfiup, Statsministereqarfiup, Angallannermut ministereqarfiup kiisalu Aningaasaqarnermut Inuussutissarsiutinullu ministereqarfiup naalagaaffiup aktieselskabiutai pillugit september 2003-mi saqqummiunneqartumik nalunaarusiaat innersuussutigineqassaaq). Tamatuma saniatigut aktieselskabimi Namminersornerullutik Oqartussanit tamakkiisumik pigineqartumi siulersuisut (taamatullu siulersuisunut ilaasortat ataasiakkaat) paasissutissanik Naalakkersuisunut ingerlatitseqqinnissamut aallavittut isigalugu piginnaatitaasut naatsorsuutigineqartariaqarpoq, paasissutissanik pineqartunik pissarsisinnaatitaaneq ingerlatseqatigiiffiup malittarisassaani allasimagaluarpulluunniit. (Tamatumani Danmarkimi Aningaasaqarnermut ministereqarfiup, Inatsiseqarnermut ministereqarfiup, Statsministereqarfiup, Angallannermut ministereqarfiup kiisalu Aningaasaqarnermut Inuussutissarsiutinullu ministereqarfiup naalagaaffiup aktieselskabiutai pillugit september 2003-mi saqqummiunneqartumik nalunaarusiaat innersuussutigineqassaaq). Siulersuisut taamaaliornissamut pinaaserpata siulersuisut pinaasertut taakkuluunniit ilaasa taarserneqarnissaat siunertaralugu kisimiilluni aktiaateqartoq immikkut ittumik ataatsimeersuarinnissamut aggersaanissamut periarfissaqarpoq. Taamaattumik aktieselskabimi Namminersornerullutik Oqartussanit tamakkiisumik pineqartumi

siulersuisut paasissutissinneqarnissamik Naalakkersuisut qinnuiginninnerannut akuersaartumik qisuariartarnissaat naatsorsuutigineqarsinnaavoq, paasissutissanik pineqartunik pissarsisinnaatitaaneq ingerlatseqatigiiffiup malittarisassaani allanneqarsimangikkaluarpalluunniit.

Ingerlatseqatigiiffiit pineqartut pillugit Naalakkersuisut aqutigalugit Kukkunersuineranut Ataatsimiititaliap paasissutissanik pissarsisinaanera aktieselskabit Namminersornerullutik Oqartussanit tamakkiisumik pigineqartut malittarissaasigut aporfissaqalersinneqassanngitsoq Naalakkersuisunit qulakkeerneqassasoq naatsorsuutigineqarpoq.

Naalakkersuisut – taamaalillunilu Inatsisartut Kukkunersuineranut Ataatsimiititaliaat – ataatsimeersuartitseqqaanngikkaluarluni paasissutissinneqarsinnaanerak aktieselskabit Namminersornerullutik Oqartussanit tamakkiisumik pigineqartut malittarisassaat aqutigalugit qulakkeerneqarsinnaassaaq.

Naalakkersuisut suliffeqarfiillu pineqartut siulersuisuisa akornanni attaveqatigiittarnermi aqutissanik ersarissunik paasisartunillu isumaqatigiissuteqarnissaq pissusissamisuusaaq, assersuutigalugu piginnittut siulersuisullu akornanni ingerlaavartumik oqaloqatigiittarnerit siulersuisut siulittaasoqarfiat aqutigalugu pialissalluni, matuma kingorna siulersuisunut ilaasortat sinneri taassuma ilisimatittassallugit.

Namminersornerullutik Oqartussat aktiaatilittut soqutigisaannik Naalakkersuisut isumaginninnerannik Inatsisartut Kukkunersuineranut Ataatsimiititaliaata nakkutilliinerminut ilaatillugu aktieselskabit Namminersornerullutik Oqartussanit tamakkiisumik ilaannakuusumilluunniit pigineqartut ingerlatsivigineqarneranni aningaasaqarnikkut innimigisassanik Naalakkersuisut naleqquttumik qulakkeerrinniansimanersut nalilersorsinnaassagaa siunnersuutigineqarpoq. Taamatut nalilersuineq "ingerlatsineq pillugu kukkunersuineq"-tut nalinginnaasumik taaneqartarpoq.

Ingerlatsinermik kukkunersuinerup ingerlatseqatigiiffimmi pineqartumi siulersuisunut pisortaasunulluunniit sammitinneqannginnissaa equmaffigissallugu pingaartuuvoq. Ingerlatsinermik kukkunersuineq aktieselskabit pillugit inatsimmi killissarititaasut iluini Kalaallit Nunaanni Namminersornerullutik Oqartussat aktiaatilittut soqutigisaannik Naalakkersuisut isumaginninnerannut sammititaasarpoq.

Paasissutissanik pissarsiarisat naliliivigineqarnerini (t.i. aktieselskabit Namminersornerullutik Oqartussanit tamakkiisumik ilaannakuusumilluunniit pigineqartut ingerlatsivigineqarneranni aningaasaqarnikkut innimigisassanik Naalakkersuisut naleqquttumik qulakkeerrinniansimanersut pillugu naliliineq) ataatsimiititaliap siunnersuisartunik avataaneersunik (amerlanertigut kukkunersiusarfinnik) ikiortissarsinissaa naatsorsuutigineqartariaqarpoq, soorlu Namminersornerullutik Oqartussat ataanni ingerlatsiviup ingerlatsineranik kukkunersuilluni misissuineranik ingerlatsissatilluni Kukkunersuineranut Ataatsimiititaliaq taamaaliortarpoq. Taamatuttaaq Naalakkersuisunut apeqqutissanik

ilusilersuinerminut atatillugu Kukkunersuinermut Ataatsimiititaliaq pisariaqartinneqartillugu avataanit ikiortissarsiortartog.

Kukkunersuinermut Ataatsimiititaliap aktieselskabinit Namminersornerullutik Oqartussanit tamakkiisumik ilaannakuusumilluunniit pigineqartunit paasissutissanik pissarsisinnaanera ingerlatsinerluunniit pillugu kukkunersuisinnaanera mianersortumik atorneqartariaqarpoq. Taamaapportaaq aktieselskabit pillugit inatsimmi periarfissat aammalu ingerlatseqatigiiffiit ataasiakkaat pineqartut malittarisassa atarlugit Naalakkersuisunut peqqusinikkut ataatsimiititaliap paasissutissanik piniarsinnaanera eqqarsaatigalugu. Ataatsimiititaliap apeqqutaasa akinissaannut nukissat qanoq annertutigisut ingerlatseqatigiiffiup atortariaqarnerai eqqumaffigissallugu pissutissaqarpoq. Taamatuttaaq ingerlatsinermik kukkunersuilluni aallartitsinerup ingerlatseqatigiiffiup pisortaanut siulersuisuilluunniit tatiginninnginnertut paasineqarsinnaanera aarleqqutigissallugu pissutissaqarpoq, tamatumami kingunerisinnaammagu ingerlatseqatigiiffiup ingerlatsineranut ajoqutaasumik sulisuusut annertuumik eqqissisimajunnaarnerat. Kiisalu paasissutissat mianernartut ingerlatseqatigiiffiup unammillersinnaassusianut pingaaruteqartut siammarterneqarnissaasa pinngitsoortinneqarnissaanik ingerlatseqatigiiffiit inatsimmik tunngaveqartumik soqutigisaat eqqumaffigissallugit pissutissaqarpoq.

Eqqarsaatigisassat taakku Inatsisartut Naalakkersuisullu pillugit Inatsisartut inatsisaanni § 17, imm. 3-mi oqaaseqatigiit aappaanni tunngaviusunik sanioqqutsisoqarsinnaanera pissutissaqartippaat. Aalajangersagaq taanna naapertorlugu ataatsimiititaliamut ilaasortap ataasiinnaalluunniit piumasarippagu atortussat sugaluarnersut ataatsimiititaliamit piniarneqassapput.

Paarlattuanilli partiinut naalakkersuisuutitalinnut sinniisuusutut ataatsimiititaliami amerlanerussutillit, Namminersornerullutik Oqartussat aktiaatilittut soqutigisaannik Naalakkersuisut isumaginninneranni pissutsit isornartorsiuissutaasinnaasut qulaajarneqarnissaat pinngitsoorniarlugu amerlanerussuteqarnertik atorpassuk pitsaavallaarnaviannngilaq. Taamaammat paasissutissanik pissarsiniarsinnaanerup akisussaassusilimmik atorneqarnissaata qulakkeerneqarnissaa sunniuteqarluartumik kukkunersuinnikkut nakkutilliisinnaanerup qulakkeerneqarnissaanut sanilliullugu nalilerniarneqartariaqarpoq.

Innimigisassat takku tamarmik eqquutsinneqarnissaat anguniarlugu siunnersuummi § 17 a, imm. 5-imi oqaasertaliussatigut aalajangersarneqarpoq ataatsimiititaliamut ilaasortap ataatsip aktieselskabimut tunngatillugu paasissutissanik pissarsiniarnissamik siunnersuutaa ataatsimiititaliami amerlanerussuteqartunit akerlilerneqarsinnaasoq, taamaattoqartillugulu apeqqut Inatsisartunut tamarmiusunut ataatsimiititaliap ilaasortaanit kimilluunniit saqqummiunneqarsinnaasoq.

Siunnersuut akuersissutigineqartutut isigineqassaaq Inatsisartunut ilaasortat minnerpaamik 2/5-iilii tassunga isumaqataallutik taasippata.

Siunnersuummut allannguutissatut siunnersuumik saqqummiussisoqarsinnaanngilaq.

Paasissutissat mianersuuttariallit ingerlatseqatigiiffiup unammillersinnaaneranut tunngassutillit siaruarterneqannginnissaat aktieselskabip pissutissaqarlualuni soqutigisaraa. Taamatut soqutigisaqarneq Namminersornerullutik Oqartussat ingerlatseqatigiiffiutaannut tunngatillugu paasissutissanik ataatsimiititaliap – atorfilittallu tassunga attuumassuteqartut - nipangiussinissamik peqquneqarsinnaaneratigut eqquutsinneqassaaq. Taamatut nipangiusimannittussaataaneq pinerluttulerinermik inatsimmi aalajangersakkatigut pineqaatissiissutaasinnaavoq.

Ataatsimiititaliamilli pisariaqartinneqarpat pissutsinik Namminersornerullutik Oqartussat aktiaatilitutt soqutigisaannut tunngassutilinnik ataatsimiititaliap Inatsisartunut ilisimatitsissuteqarsinnaavoq. Tamanna pissaaq – isumaliutissiissut paasissutissanik isertuussanik imaqarpat - matoqqasumik suliarineqartussamik immikkut isumaliutissiissuteqarnikkut. Taamaalilluni matoqqasumik ataatsimiinnermi peqataasut tamakkerlutik nipangiussisussanngortinneqassapput. Paasissutissanik isertuussanik matoqqasumik ataatsimiinnermi pissarsiarineqartunik ingerlatitseqqinneq atuinerluunniit pinerluttulerinermik inatsit aqqutigalugu pineqaatissiissutaasinnaavoq, soorlu paasissutissanik isertuussanik Kukkunersuineranut Ataatsimiititaliap sulineranut atasumik pissarsiarineqartunut atatillugu taamaattoqartoq.

Pisariaqarpat aktieselskabip pillugit inatsimmi ingerlatseqatigiiffiullu malittarisassaani tunngavissinneqartumik periarfissat atornerisigut aktieselskabinut Namminersornerullutik Oqartussanit tamakkiisumik ilaannakuusumilluunniit pigineqartunut tunngatillugu paasissutissanik erseqqinnerusumik nalunaakkanik pissarsiniarnissamut Aningaasaqarnermut Ataatsimiititalimit Naalakkersuisut siunnersuut malillugu peqquneqarsinnaapput (soorlu Kukkunersuineranut Ataatsimiititaliap taamaaliorsinnaasoq). Aningaasaqarnermulli Ataatsimiititaliamut tunngatillugu paasitinneqarsinnaatitaaneq ataatsimiititaliap siunnersuutininik imaluunniit aningaasalersuinissamut qularnaveeqqusiinissamulluunniit qinnuteqaatinik suliarinninneranut taamaallaat tunngatinneqassaaq.

Siunnersuut naapertorlugu aktieselskabini Namminersornerullutik Oqartussanit tamakkiisumik ilaannakuusumilluunniit pigineqartuni pisariaqarpat aktieselskabip pillugit inatsimmi ingerlatseqatigiiffiulluunniit malittarisassaani periarfissiissutaasut atornerisigut Aningaasaqarnermut Ataatsimiititaliap (Kukkunersuineranut Ataatsimiititaliatulli) paasissutissanik erseqqinnerusumik nalunaakkanik pissarsiniarnissamik Naalakkersuisunut peqqusisinnaassaaq. Paasissutissat pissarsiarineqartut Naalakkersuisut ataatsimiititaliamut kinguarsaanertaqanngitsumik atugassanngortissavaat.

Ingerlatseqatigiiffimmulli aningaasalersuinissap qularnaveeqqusiinissalluunniit isumaliutigineqarnerani atugassatut paasissutissanik pissarsinissamut Naalakkersuisut aktiaatilitutt piginnaatitaaffimminnik atuinissamik pisariaqartitsinissaat ilimanangilaq.

Siunnersuummi § 16 a-p oqaasertalerneqarnera naapertorlugu paasissutissat ataatsimiititaliap pisariaqartutut isigisai pissarsiarineqarserlugit siunnersuutininik

qinnuteqaatinilluunniit suliarinninnissani ataatsimiititaliap utaqqisikkallarsinaavaa. Periarfissaq taanna aqcutigalugu aningaasaliisinnaasutut qularnaveeqqusiisinnaasutulluunniit allatulli Namminersornerullutik Oqartussat paasissutissanik pissarsisinnaanermik periarfissinneqarput; - periarfissaq taanna aktiaateqartut aktieselskabit pillugit inatsit naapertorlugu paasissutissanik pissarsisinnaaneranit amerlasuutigut annertuneruvoq. Taamaattumik Aningaasaqarnermut Ataatsimiititaliap paasissutissanik pissarsisinnaaneranut siunnersuut annertunerulersitsisutut oqaatigineqarsinnaanngilaq, tamatumunngali erseqqissaataanerulluni.

Paasissutissat isertuussassatut tunniunneqarsimappata, taakku ataatsimiititaliap – atorfilittallu tassunga attuumassuteqartut - nipangiusimasussaavai. Nipangiusimannittussaataaneq pinerluttulerinermik inatsimmi aalajangersakkatigut pineqaatissiissutaasinnaavoq.

Aktieselskabit pillugit inatsit (matumani aktieselskabit pillugit inatsimmi § 76) naapertorlugu Naalakkersuisut paasissutissanik suugaluartunik suliffeqarfinit pissarsiniarsinnaanerat siunnersuutip allannguiffiginngimmagu erseqqissarneqassaaq, soorluttaaq paasissutissanik Naalakkersuisut namminneq pissarsiarisinnaanngisaannik Inatsisartut ataatsimiititaliaasa pissarsisinnaanerat siunnersuummit pilersinneqanngitsoq.

3. Norgemi, Sverigemi Danmarkimilu assigusumik aaqqissuussinerit.

Namminersornerullutik Oqartussat isertitaannik, aningaasartuutaannik pigisaannillu nalilinnik inatsisartutigoortumik nakkutilliineq nunani avannarlerni arlalinni inatsisartutigoortumik nakkutilliinermi arlalitsigut allaanerussuteqarpoq.

Norgemi, Sverigemi Danmarkimilu naalagaaffimmut kukkunersiuisoqarnermut (rigsrevisionen) assingusumik Kalaallit Nunaat peqanngilaq. Landskarsip ukiumoortumik naatsorsuutai kukkunersiuusumit naalagaaffimmit akuerisaasumit Inatsisartunit toqqarneqartumit kukkunersiorneqartarput. Naatsorsuutit eqqortuunersut aammalu atuinerit naatsorsuutinik tunniussineri ilaatinneqartut aningaasalissutinut, inatsisinut najoqqutassianulluunniit nalunaarutigineqartunut kiisalu isumaqatigiissutigineqartunut nalinginnaasumilluunniit periutsinut naapertuunnersut kukkunersiuineri misissorneqartarpoq. Naalakkersuisut paasissutissanik tamanik naatsorsuutit nalilernerneqarnissaannut pisariaqartunik kukkunersiuusunut nalunaarutiginninnissamut pisussaataapput.

Inatsisartut Kukkunersiuineri Ataatsimiititaliaata landskarsip naatsorsuutai kukkunersiuusullu taakkununga oqaaseqaataat ukiumut ataasiarluni misissortarpai aammalu apeqqutinik oqaaseqaatinillu naatsorsuutit pisariaqalersitaannik Naalakkersuisunut saqqummiussarluni. Apeqqutit oqaaseqaatillu Naalakkersuisut akissuteqaataannik ilaqartillugit Inatsisartunut saqqummiunneqartarput. Atortussat, ilanngussat nalunaarusiat assigisaallu sulinermini pisariaqartitani ataatsimiititaliap naatsorsuutinik oqartussaasutut ingerlataqartumit piniarsinnaavai. Ataatsimiititaliami ilaasortaq ataasiinnarluunniit piumasaqarpat atortussat kissaatigineqartut ataatsimiititaliap piniassavai.

Landskarsip naatsorsuutaanni suliffeqarfiit nammineertitat ilaatinneqartut, taamaalillutillu Kukkunersiuinermut Ataatsimiititaliamit nakkutigineqartut aktieselskabit Namminersornerullutik Oqartussanit tamakkiisumik ilaannakuusumilluunniit pigineqartut tamatumunnga (maleruagassat maanna atuuttut naapertorlugit) ilaatinneqanngillat.

Naalagaaffiup isertitaanik, aningaasartuutaanik pigisaanillu nalilinnik Norgemi, Sverigemi Danmarkimilu inatsisartutigoortumik nakkutilliineq aktieselskabit naalagaaffimmit pigineqartut pillugit paasissutissinneqarsinnaaneq immikkut pingaarnerutillugu matuma kinguliani sammineqassaaq.

Norge

Norgemi naalagaaffiup kukkunersiuisoqatigiivi (rigsrevision) tassaapput norskit inatsisartuisa, Stortingip kukkunersiuinermut nakkutilliinermullu ingerlatsiviat. Tunngavissaatit naapertorlugit naalagaaffiup isertitaqarnissaanut aammalu naalagaaffiup aningaasaataasa naliliutaasalu aningaasaqarnikkut illersorneqarsinnaasumik kiisalu inatsisartut aalajangiinerinut tunngavissaatitaannullu naapertuuttumik atorneqarlutillu aqutsivigineqarnissaanut naalagaaffiup kukkunersiuisoqatigiivi kukkunersiuinermikkut, nakkutilliinermikkut ilitsersuinerikkullu peqataaqataassapput.

Naalagaaffiup kukkunersiuisoqatigiivisa suliassatik arlaannaannulluunniit attuumassuteqanngitsumik namminersorlutillu ingerlattarpaat aammalu sulinerup qanoq aaqqissuunneqarlunilu ilusiliivigineqarnissaa nammineq aalajangertarlugu. Immikkut misissuinerit ingerlanneqarnissaannik norskit inatsisartuisa ataatsimiinnerminni naalagaaffiup kukkunersiuisoqatigiivi peqqusinnaavaat, kukkunersiuinerulli nakkutilliinerullu qanoq sunillu tunngaveqarluni ingerlanneqarnissaanik naalagaaffiup kukkunersiuisoqatigiivinut ilitsersuisinnaanatik.

Naalagaaffiup kukkunersiuisoqatigiivi nalagaaffiup kukkunersiuisinik tallimanik norskit inatsisartuinit Stortingimit toqqarneqartunik siulersorneqarput. Taakku ukiut sisamakkaarlugit toqqarneqartarput.

Naalagaaffiup kukkunersiuisoqatigiivi naalagaaffiup naatsorsuutaanik naalagaaffiullu ingerlataasa il.il. naatsorsuutitut tunniussaannik kukkunersiuissusaapput. Kiisalu ingerlatseqatigiiffinni, tassunga ilanngullugit aktieselskabini naalagaaffiup soqutigisaasa ingerlatsivigineqarnerat naalagaaffiup kukkunersiuisoqatigiivisa nakkutigisassaraat. Inatsisartut aalajangigaat tunngavissaatitaallu aallaavigalugit aningaasaqarnermik, naammassisaqarsinnaassutsimik, anguniakkat equutsinneqarnerannik sunniutinillu naalagaaffiup kukkunersiuisoqatigiivi aaqqissuussamik misissuisassapput (ingerlatsinermik kukkunersiuineq). Kukkunersiuinermikkut naapertuutinningsut kukkunerillu pinaveersimatinniarneqarnissaanut qulaajarneqarnissaannullu naalagaaffiup kukkunersiuisoqatigiivi peqataaqataassapput. Kiisalu kukkunerit amigaatillu siunissami pinngitsoortinneqarnissaat siunertarlugu naalagaaffiup kukkunersiuisoqatigiivi ingerlatsivimmik ilitsersuisinnaapput.

Ingerlatseqatigiiffinnik nakkutilliinermi ingerlatseqatigiiffit naalagaaffiup minnerpaamik 50%-imik aktiaateqarfigisai allatulluunniit aalajangiisuusumik sunnuteqarfigisai nakkutilliiffigineqartarput. Ingerlatseqatigiiffinni naalagaaffiup piginnittutut soqutigisaqarfigisaani aningaasalersuutinik naalagaaffiup kukkunersiuisoqatigiivi nalinginnaasumik kukkunersiuneq ajorput.

Ingerlatseqatigiiffinni il.il. naalagaaffiup soqutigisaasa ingerlatsivigineqarnerannik nakkutilliinermikkut naalagaaffiup soqutigisaanik ingerlatsisutut inatsisartut aalajangigai tunngavissaatitaalu naapertorlugit ministeri ingerlatsinersoq naalagaaffiup kukkunersiuisoqatigiivisa naliligassaraat (tassa naalagaaffiup soqutigisaanik inatsisinut naapertuuttumik aningaasaqarnikkullu illersorneqarsinnaasumik ministeri ingerlatsinersoq aammalu inatsisartut aalajangigaannik ministeri piviusunnortitsinersoq misissorlugu). Naalagaaffiup soqutigisaasa isumagineqarnerannik naliliinermi aningaasatigut soqutigisat kisimik naliliiffigineqarneq ajorput aammali inuiaqatigiinnut tunngasut, soorlu pinngortitap pisuussutaanik aqutsineq innuttaasullu sullinseqarnerat nalilersorneqartarput.

Ministerit ataasiakkaat naalagaaffiup soqutigisaanik aqutsinerannik tunngavissaqarluartumik naliliinissami misissuinerit pisariaqartutut isigineqartut nakkutilliinermi ilaatinneqartarput. Ingerlatseqatigiiffinni naalagaaffimmit tamakkiisumik pigineqartuni, taakkulu tamakkiisumik ingerlatseqatigiiffiutaanni allani nakkutilliinermut ilanngullugu inatsisartut aalajangigaat tunngavissaatitaallu aallaavigalugit ingerlatseqatigiiffinni aningaasaqarnermik, naammassisaqarsinnaassutsimik, anguniakkat eqquutsinneqarnerannik sunniutinillu misissuisoqarsinnaavoq.

Nipangiussisussaataaneq apeqqutaatinnagu paasissutissanik, nalunaarusianik uppersaataissanilluunniit sugaluartunik piumasaqarsinnaallutillu misissuinerik suliasamik suliarinissaannut pisariaqartutut isigisaminnik naalagaaffiup kukkunersiuisoqatigiivi ingerlatsisinnaapput. Tamanna naalakkersuinikkut aqutsinermut, ingerlatsiviit atorfilittaannut allanullu ingerlatsivinni atorfeqartunut kiisalu ingerlatseqatigiiffinni naalagaaffimmit tamakkiisumik pigineqartuni taakkulu ingerlatseqatigiiffiutaanni pisortaasunut, sulisunut kukkunersiuisunullu atuuppoq. Ingerlatseqatigiiffinni naalagaaffimmit ilaannakuusumik pigineqartuni aktiaatillit allat piginnaatitaaffiinit allaanerusunik naalagaaffik piginnaatitaaffeqaqqanngilaq, tamannalu taakkuninnga naalagaaffiup kukkunersiuisoqatigiivisa paasissutissinneqarsinnaatitaaneranut kinguneqaateqarpoq. Ingerlatseqatigiiffinnulli naalagaaffimmit ilaannakuusumik pigineqartunut tunngatillugu ingerlatseqatigiiffiup kukkunersiuisuata suliasaqarfimminut killissarititaasut iluanni paasissutissanik tunniussinissamut ataatsimeersuartunit peqquneqarnissaanik piumasaqaammik saqqummiusseqqullugu naalagaaffiup kukkunersiuisoqatigiivisa naalagaaffiup soqutigisaanut sinniisuutitaasoq peqqusinnaavaat.

Ingerlatseqatigiiffinni naalagaaffimmit tamakkiisumik pigineqartuni ataatsimeersuartoqassatillugu, siulersuisut siiniisuutitalluunniit ataatsimiissatillugit il.il. naalagaaffiup kukkunersiuisoqatigiivi ilimasaarneqartussaallutillu peqataanissamut pisinnaatitaaffeqarput. Naalagaaffiup kukkunersiuisoqatigiivi

ataatsimiinnerni oqaaseqarsinnaatitaallutillu papiaqqanik ataatsimiinnernut tunngassuteqartunik tunineqartussaataapput.

Aammattaaq ingerlatseqatigiiffiit naalagaaffimmit ilaannakuusumik pigineqartut ataatsimeersuarneranni, siulersuisut sinniisuutitallu ataatsimiinneranni il.il. naalagaaffiup piginnittutut soqutigisaanut sinniisuutitaasoq peqatigalugu naalagaaffiup kukkunersiuisoqatigiivi peqataasinnaatitaapput.

Kukkunersiunerup nakkutilliinerullu ineneri naalagaaffiup kukkunersiuisoqatigiivisa norskit inatsisartuinut Stortingimut nalunaarutigissussaavaat. Suliaq Stortingimut nalunaarutigineqartinnagu naalagaaffiup kukkunersiuisoqatigiivisa oqaaseqaataat ministerimut akisussaasuusumut oqaaseqarfigisassanngorlugit saqqummiunneqassapput.

Sverige

Naalagaaffiup kukkunersiuisoqatigiivi (rigsrevisionen) Sverigep inatsisartuisa Rigsdagip ataani oqartussaaffiuvoq.

Naalagaaffiup kukkunersiuisoqatigiivi nalagaaffiup kukkunersiuisuinik pingasuusunik siulersorneqarput.

Naalagaaffiup kukkunersiuisoqatigiivi aqutsisunik (styrelsimik) ilaqartinneqarput. Qulaajaanermik ingerlatsinerup malinnaaviginissaa aammalu naalagaaffiup kukkunersiuisoqatigiivisa qulaajaanermik nalunaarusiaasa kukkunersiunerlu pillugu nalunaarusiaasa pisariaqalersitaannik siunnersuutininik nassuiaatinillu inatsisartunit saqqummiussinissaq kiisalu naalagaaffiup kukkunersiuisoqatigiivinut aningaasaliissutissatut siunnersuutit ukiumoortumillu naatsorsuutit pillugit aalajangiinissaq aqutsisut suliaassaraat. Aqutsisut inatsisartunit toqqagaasut 11-nik ilaasortaqlutillu 11-nik sinniisussaqlarput.

Naalagaaffiup kukkunersiuisoqatigiivi arlaannaannulluunniit attuumassuteqanngillat. Suut qulaajaavigineqassanersut, qulaajaaneq qanoq ingerlanneqassanersoq qanorlu inerniisooqassanersoq naalagaaffiup kukkunersiuisoqatigiivisa pingasuusut namminneq aalajangertarpaat.

Naalagaaffiup kukkunersiuisoqatigiivisa naalagaaffiup ingerlatai tamaasa qulaajaavigissavaat, taamaaliornermikkullu nukinnik atuilluarnissamut sunniuteqarluartumillu ingerlatsinissamut peqataaqataallutik. Oqartussaaffik svenskit inatsiartuisa Rigsdagip nakkutilliinermik ingerlatsinerata ilagaa taamaalillunilu tamat oqartussaaqataaneranni pingaarutilimmik suliaqartuulluni.

Suliffeqarfik inatsisitigut maleruagassiuunneqarsimappat naalagaaffilluunniit piginnittuunermigut tapiissuteqartarnermigulluunniit imaluunniit isumaqatigiissuteqarsimanikkut allatigulluunniit suliffeqarfimmi aalajangiisuusumik sunniuteqarsinnaappat suliffeqarfik naalagaaffimmik aktieselskabitut ingerlanneqartoq naalagaaffiup kukkunersiuisoqatigiivisa qulaajaaneranni ilaatinneqassaaq.

Inuiaqatigiit nalinginnaasumik soqutigisaat mianeralugit naalagaaffiup aningaasalersuutaasa angusaqarfiulluartumik pissarsiffigineqartarnissaannut ineriartortitsinissaq qulaajaanikkut siuarsarneqassaaq (angusanik kukkuneruiineq).

Naalagaaffimmi oqartussaasut peqquneqarnermikkut naalagaaffiup kukkuneruiisoqatigiivinit ikiorsiillutillu naalagaaffiup kukkuneruiisoqatigiivisa qulaajaanermi paasissutissat pisariaqartitaat tunniuttassavaat. Tamanna aamma allanut (tassunga ilanngullugit ingerlatseqatigiiffiit) naalagaaffiup kukkuneruiisoqatigiivinit qulaajaaffigineqarsinnaatitaasunut atuuppoq.

Ingerlatseqatigiiffinni naalagaaffiup kukkuneruiisoqatigiivinit qulaajaavigineqarsinnaatitaasuni kukkuneruiisumik ataatsimik arlalinnilluunniit ingerlatseqatigiiffiup kukkuneruiisui peqatigalugit ingerlatseqatigiiffiup kukkuneruorneqarnerani peqataasussanik naalagaaffiup kukkuneruiisoqatigiivi toqqaasinnaatitaapput.

Angusanik kukkuneruiinermi ukiumoortumillu kukkuneruiinermi pingaarnertut maluginiakkat ukiumoortumik nalunaarusiami katersorneqassapput, taannalu naalakkersuisunut inatsisartunullu tunniunneqassaaq.

Danmark

Danmarkimi naalagaaffiup ingerlatsineranik kukkuneruiisoqarnikkut nakkutilliineq marlungorlugu avitaavoq: Naalagaaffiup kukkuneruiisoqatigiivi aammalu naalagaaffiup kukkuneruiisua.

Naalagaaffiup kukkuneruiisoqatigiivii arfinillit (taakkunungalu tamanut sinnissussat) ukiut sisamakkaartumik Folketingimit toqarneqartarput.

Inatsisini Tunngaviusuni § 47, imm. 2 naapertorlugu naalagaaffiup kukkuneruiisoqatigiivisa naalagaaffiup naatsorsuutai ukiumoortut misissorlugillu naalagaaffiup isertai tamarmik tassani nalunaarneqarsimanersut aammalu aningaasanut inatsimmik aningaasaliissutinulluunniit inatsimmik allamik tunngaveqanngitsumik aningaasartuuteqartoqannginnissaa nakkutigisarpaat.

Aningaasaliissutinik nakkutilliineq, maleruagassat allat maleruqqusallu malinneqarnerannik nakkutilliineq aammalu aningaasaliissutigineqartunik aqutsinermi aningaasaqarnikkut innimigisassat pisariaqartut mianerineqarnerisut nakkutilliinermut ilaapput. Aningaasaliissuteqarnermi aalajangiinernilu allani paasissutissat pisariaqartut Folketingimut taassumalu ataatsimiititaliaannut nalunaarutigineqarsimanersut naalagaaffiup kukkuneruiisoqatigiivisa aamma naliliiffigisarpaat.

Suliassaminnik isumaginninnerminni naalagaaffiup kukkuneruiisoqatigiivisa naalagaaffiup kukkuneruiisua suleqatigisarpaat.

Naalagaaffiup kukkunersiuisoqatigiivisa inassuteqarnerisigut Folketingillu Suleriaatsimut Ataatsimiititaliaanit akuersissutigineqartumik naalagaaffiup kukkunersiuisua Folketingip siulittaasuanit toqqagaasarpoq.

Naalagaaffiup kukkunersiuisua suliaminik ingerlatsinermini arlaannaannulluunniit atuumassuteqanngilaq. Misissuinerinilli erseqqinnerusumik nalunaakkanik ingerlatsinissamik, taakkulu pillugit nalunaarusiornissamik naalagaaffiup kukkunersiuisua naalagaaffiup kukkunersiuisoqatigiivinit qinnuigineqarsinnaavoq.

Naalagaaffiup kukkunersiuisoqatigiivi naalagaaffiup naatsorsuutaanik misissuineranni naalagaaffiup kukkunersiuisua ikiuuttarpoq.

Naatsorsuutit eqqortuunersut aammalu atuinerit naatsorsuusutininik tunniussinerimi ilaatinneqartut aningaasalissutinut, inatsisinut najoqqutassianulluunniit allanut nalunaarutigineqartunut kiisalu isumaqatigiissutigineqartunut nalinginnaasumilluunniit periutsinut naapertuunnersut kukkunersiuerimi misissorneqartarpoq. Naatsorsuutini ilaatinneqartunik aningaasanik aqutsinerimi suliffeqarfinnillu ingerlatsinerimi aningaasaqarnikkut innimigisassat mianeriniarneqarsimanersut aamma nalilerneqartarpoq.

Paasissutissanik taamaattunik tamanik naalagaaffiup kukkunersiuisuata suliaminik ingerlatsinermini pingaaruteqartutut isigisaanik ilisimatinneqarnissaq pisortat oqartussaaffeqarfiinut tamanut naalagaaffiup kukkunersiuisuata piumasarisinnaavaa.

Naatsorsuutit misissorumallugit aktieselskabinit naalagaaffimmit tamakkiisumik pigineqartunit aktieselskabinillu naalagaaffiup aalajangiisuusumik sinniuteqarfigisaannit tunniunneqarnissaat naalagaaffiup kukkunersiuisuata toqqaannartumik piumasarisinnaavaa. Tamannali aktieselskabinut bursimi nalunaarsorsimasunut atuutinngilaq. Aktieselskabit bursimi nalunaarsorsimasut aktieselskabillu naalagaaffimmit tamakkiisuunngitsumik pigineqartut naalagaaffimmillu aalajangiisuusumik sinniuteqarfigineqanngitsut naatsorsuutaat ministeri susassaartoq aqutugalugu pissarsiariniarneqartarput.

Naatsorsuutit aktieselskabinit naalagaaffimmit tamakkiisumit pigineqartunit aktieselskabinillu naalagaaffiup aalajangiisuusumik oqartussaaffigisaanit naalagaaffiup kukkunersiuisuata pissarsiarissallugit piumasarisinnaasai tassaapput ukiumoortumik naatsorsuutit suliffeqarfissuit naatsorsuutaannik ukiumoortumillu nalunaarutininik, piffissap ilaanut naatsorsuutininik naatsorsuutillu immikkuualuttortaannik kiisalu naatsorsuutininut atuumassuteqartunik atortussanik ilaqartinneqarsinnaasut, taakkunungalul ilaapput naatsorsuutininut inissitsiterinerimi atornerqarsimasut, pisortasut nalunaarsuutaat atortullu assingusut, kukkunersiuisut nalunaarsuutaat nalunaarusiaallu il.il. kiisalu atortussat paasissutissallu allat naalagaaffiup kukkunersiuisuata suliaminik ingerlatsinermini pingaaruteqartutut naliligai.

Naatsorsuutit aktieselskabinit bursimi nalunaarsorsimasunit aktieselskabinillu naalagaaffimmit tamakkiisuunngitsumik pigineqartunit naalagaaffimmillu aalajangiisuusumik sinniuteqarfigineqanngitsunit naalagaaffiup kukkunersiuisuata

piumasarisinnaasai ukiumoortumik naatsorsuutit pillugit inatsit naapertorlugu ukiumoortumik naatsorsuutit il.il. saniatigut tassaapput atortussat naatsorsuutinik misissuinissami pingaarutillit ministerip pissarsiarisinnaasai.

Aktieselskabit naalagaaffimmit tamakkiisumik ilaannakuusumilluunniit pigineqartut naatsorsuutaannik misissuineri pingaartumik nakkutigineqassapput naatsortuutit tutsuiginartumik kukkunersiorneqarsimanersut, tapiissuteqarnermi il.il. piunasaqaatit eqquutsinneqarsimanersut, aningaasat aalajangersakkat naapertorlugit atorneqarsimanersut aammalu aningaasanik aqutsineri aningaasaqarnikkut innimigisassat mianeriniarneqarsimanersut.

Naalagaaffiup kukkunersiuisua sulinini pillugu naalagaaffiup kukkunersiuisoqatigiivinut ukiumoortumik nalunaarusiortarpoq. Tamatuma saniatigut suliat aningaasaqarnikkut tunngaviumilluunniit annertuumik pingaaruteqartut naammassinerini naalagaaffiup kukkunersiuisua naalagaaffiup kukkunersiuisoqatigiivinut nalunaarusiortarpoq.

Suliat naalagaaffiup kukkunersiuisuata nalunaarusiorfigisai tunniunneqannginnermini ministerimut susassaqtumut aammalu suliat aktieselskabinut tunngasut pineqartillugit sapinngisamik ingerlatseqatigiiffiup pineqartup siulersuisuinut saqqummiunneqassapput.

Oqaaseqaatigiunnakkaminnik ilallugit naalagaaffiup kukkunersiuisuata nalunaarusiai naalagaaffiup kukkunersiuisoqatigiivisa Folketingimut ministerimullu susassaqtumut nassiuttarpaat. Taamaalillutillu naalagaaffiup kukkunersiuisuata nalunaarusiai tunngavigalugit naalagaaffiup kukkunersiuisoqatigiivi tassaapput ministereqarfinnut il.il. isornartorsiuteqartartut.

4. Tusarniaaneq

4.1. Kukkunersiuinermut Ataatsimiititaliap inatsisissatut siunnersuutaa.

Inatsisartut 2004-imi upernaakkut ataatsimiinneranni aktieselskabet Namminersornerullutik Oqartussanit ilaannakuusumik tamakkiisumilluunniit pigineqartut pillugit Naalakkersuisut paasitinneqarsinnaanerit pillugu Inatsisartut Naalakkersuisullu pillugit Inatsisartut inatsisaata allan-ngortinneqarnissaanik siunnersuut Kukkunersiuinermut Ataatsimiititaliamit nalunaarutiginneqartoq siunnersuutip aallaavigisaa pillugu immikkoortumi matumani ilisimatitsissutigineqarpoq.

Kukkunersiuinermut Ataatsimiititaliap inatsisissatut siunnersuutaa tamatuma kingorna ukunani tusarniaassutigineqarpoq; KANUKOKA, Royal Greenland A/S, TELE Greenland A/S, Pilersuisoq A/S (KNI A/S), Arctic Umiaq Line A/S, Kalaallit Nunaanni Sulisitsisut Peqatigiiffiat, Kalaallit Nunaanni Inuussutissarsiorneq pillugu siunnersuisoqatigiit, Nuna Minerals A/S, Nunaoil A/S, Royal Arctic Line A/S, PriceWaterhouseCoopers Grønland A/S, Deloitte, Nunaatta Naqiterivia A/S, Inuussutissarsiornermut, Nunalerinermut Sulisoqarnermullu Pisortaqarfik, Namminersorneq pillugu Pisortaqarfik (Siulersuisut allattoqarfiat), Aalisarnermut

Piniarnermullu Pisorta qarfik, Aningaasaqarnermut Pisorta qarfik aammalu Kalaallit Nunaanni Politimesteri.

Tusarniaanermi illuatungerisanit taaneqartunit tamanit tusarniaanermut atatillugu akissutinik tigusaqartoqarpoq. Inatsisissatulli siunnersuummut Kalaallit Nunaanni Politimesteri oqaaseqaatissaqarsimangilaq. Kalaallit Nunaanni Sulisitsisut Peqatigiiffiat taamaallaat inatsisit nalersorneqarnissaannut oqaaseqaatissaqarpoq. Namminersornerisamik tusarniaanermut akissummik suliaqarnissamut periarfissaqartoqarsimangitsoq Royal Artic Line A/S-ip ilisimatitsissutigaa tamutali ilutigisaanik Royal Greenland A/S-imit aamma TELE Greenland A/S-imit saqqummiunneqartut isumaqatigineqartut ilisimatitsissutigalugu.

Ilisimatitsissutigineqareersutuut Kukkunersiuinermut Ataatsimiititaliap inatsisissatut siunnersuutaanit maannakkut inatsisissatut siunnersuut aallaaveqarpoq. Tusarniaanermiilli akissutit siunnersuummut annertoorujussuarmik ilanngunniarneqarsimapput sukkulluunniilli tusarniaanermut akissutini isummorsornerit nalilersuinerillu saqqummiunneqartut suleqatigiisitamit taparserneqarnerattut paasineqassanngilaq kisiannili siunnersuutip amerlanerpaanit taparserneqarnissaata kissaatigineqarneratut paasineqassalluni.

Tusarniaanermut akissutit qulequtakkaartumik ilusilerlugit inatsisissatullu siunnersuummut matumunnga innersuussutit tigusat qanoq annertutigisumik ilanngunneqarsimanersut tulliuuttumi nassuiaatigineqassapput. Oqaaseqaatit eqqaassanngikkaanni inatsisinik nalilersuinerinnaassaaq.

Siunnersuutip siunertaa.

Siunnersuut pisariaqanngitsutut anguniagarlu allatigut periarfissatigut anguneqarsinnaasooq tusarniaanermi illuatungerisat arlallit isumaqarput.

Suliffeqarfiit naatsorsuutinik tunniussisarnissaannut tunngatillugu maannakkut maleruagassat suliffeqarfinni pissutsinik pisariaqartumik paasisaqartitsisinnaasut KANUKOKA isumaqarpoq, tamatumalu saniatigut Naalakkersuisunut ilaasortamik pineqartumik isumasioqateqarnissamut aggersaasinnaanermut Kukkunersiuinermut Ataatsimiititaliaq periarfissaqartoq ilassutigalugu.

Namminersornerullutik Oqartussat aktiaatilittut soqutigisaannik illersorneqarsinnaasumik isumaginninnissamut Naalakkersuisut pisussaaffimminnik eqquutsitsinngippata inatsisiliornerup atuuttup Inatsisartut nakkutilliinissamut piginnaatereerai naalakkersuinikkullu akisussaatisinnaatereerai Arctic Umiaq Line A/S-ip toqqammavilersuutigai. Taamaattumik Inatsisartut inissisimanerannik patajaallisaaniarnermut Kukkunersiuinermut Ataatsimiititaliap siunnersuutaa ilapertuutaanngitsoq Arctic Umiaq Line A/S isumaqarpoq.

Namminersornerullutik Oqartussat aktiaatilittut soqutigisaannik illersorneqarsinnaasumik Naalakkersuisut isumaginninnerisa Inatsisartunit nakkutilliivigineqarnissaannut maannakkut periarfissat naammattuusut Nunatta Naqiterivia A/S isumaqarpoq. Taamaalilluni suliffeqarfik pillugu Naalakkersuisut

aktiaatilittut paasitinneqarsinnaanerannik periarfissamut, Namminersornerullutik Oqartussat aktiaataannut Naalakkersuisunut ilaasortap akisussaaneranut kiisalu Inatsisartut Naalakkersuisunut ilaasortamut apeqquteqarsinnaanerannut Nunatta Naqiterivia A/S innersuussivoq.

Ingerlatseqatigiiffinnut allattoqarfiup, aktiaatilittut inissisimanermik allaffissornikkut qaffasissusilimmik isumaginnittuusup, aningaasaliinikkut sulisoqarnikkullu patajaallisarneqareerana Ingerlatseqatigiiffinnut Allattoqarfiup tikkuarjaa. Tamatuma saniatigut nunatsinni Ingerlatseqatigiiffinnik aqutsilluarnissamut inassuteqaatinik suleqatigiisitaq suliaqareerpoq. Taamatuttaaq aktieselskabini Namminersornerullutik Oqartussat aalajangiisuusumik sunniuteqarfigisaanni ukiup affakkaartumik naatsorsuutininik tunniussisarnissamik piumasaqaat aktieselskabit pillugit inatsisikkut aamma ukiumoortumik naatsorsuutit pillugit inatsisikkut nutaakkut eqqunneqarnikuuvoq. Taamaattumillu ingerlaavartumik nalunaaruteqartarnissap annertuumik patajaallisaavigineqarnera taamaalillunilu pissusissamisuumngitsunik pisoqarsimatillugu akulerussinnaanermut periarfissap annertuumik patajaallisarneqarsimanera pilersinneqareerluni.

Namminersornerullutik Oqartussat soqutigisaannik aktiaatilittullu inissisimanerannik isumaginninnissamut atugassanik paasissutissanik pisariaqartumik pissarsiniartarneq ajornarluinnangajattusooq, pissuserlu tamanna ungasinnerusoq isigalugu "naalagaaffimmi naalagaaffik"-iup pilernissaa pinngitsoorniarlugu pisariaqalersinnaasoq Inatsisartut tungaannit annertunerusumik aqutsilersinnaaneq atorneqalertariaqartoq, tamannali periarfissat kingullersarisariaqaraat Aalisarnermut Piniarnermullu Pisortaqarfimmit tunngavilersuutigineqarpoq. Nakkutilliineq atorneqartussatut eqqarsaatigineqartoq Naalakkersuisunut ilaasortat akisussaanerat pillugu Inatsisartut inatsisaannik tapertalerlugu Naalakkersuisut annertunerusumik suliuteqarnerisigut anguneqarsinnaavoq.

Mumittuanik allannguutissatut siunnersuutigintertunut tunngavilersuutit ataatsimut isigalugit isumaqatiginartuusut PriceWaterhouseCoopers-ip oqaatigaa.

Inatsisartut Kukkuersiuiinnermut Ataatsimiititaliaat Inatsisartut 2000-imi ukiakkut ataatsimiinneranni nalunaarummik taamanili saqqummiussivoq, tassani aktieselskabit Namminersornerullutik Oqartussanit pigineqartunut ilaatigut atatillugu Kukkuersiuiinnermut Ataatsimiititaliap oqartussaassuseqarnerata annertusineqarnissaanik pisariaqartitsisoqarnera ataatsimiititaliamit oqaatigineqarluni. Oqartussaassuseqarnerup taama ittup annertusineqarnissaa eqqarsaatigalugu nalunaarusiap taassuma malittaatut ataatsimiititaliaq 2001-imi ukiuakkut ataatsimiinnermi aalajangiiffigisassatut siunnersuummik saqqummiussivoq.

Maleruagassat atuuttut naapertorlugit Kukkuersiuiinnermut Ataatsimiititaliaq taamaallaat Nunatta karsiata naatsorsuutaanut suliffeqarfiillu nammineertitanut paasisaqartitaasinnaatitaavoq ilutigisaanilli aktieselskabit Namminersornerullutik Oqartussanit pigineqartut Kukkuersiuiinnermut Ataatsimiititaliamit nakkutilliivigineqarsinnaanatik. Suliffeqarfiit pisortanit pigineqartut arlallit 90-ikkut ingerlaneranni aktieselskabinngortinneqartarsimasut taamaalillunilu

Namminersornerullutik Oqartussat nalilinnik pigisaannik aqutsinermut atatillugu Inatsisartut paasisaqarsinnaatitaanerat annikilliaartuaarsimasoq nalunaarusiami 2000-imeersumi aamma malitsitit aalajangiiffigisassatut siunnersuummi Kukkunersuineranut Ataatsimiititaliap oqaatigaa. Tamanna Inatsisartut aningaasaliisarnermik tigumminnittutut aamma aningaasaliissutit atorneqarnissaannut nakkutilliinerannut nalinginnaasumik akuerisaasumik tamat oqartussaaqataaneranni tunngavissaatitaasunut tulluuttuunngitsoq Kukkunersuineranut Ataatsimiititaliap allappaa.

Kukkunersuineranut Ataatsimiititaliap aalajangiiffigisassatut siunnersuutaa pillugu Inatsisat Atortinneqarnerannut Ataatsimiititaliap isumaliutissiitaani takuneqarsinnaavoq, tunngaviusumik isummersornerit Kukkunersuineranut Ataatsimiititaliap aalajangiiffigisassatut siunnersuutiminut toqqammavilersuutigisai Inatsisat Atortinneqarnerannut Ataatsimiititaliap ataatsimut isigalugu tapersinnaagai. Inatsisilli Atortinneqarnerannut Ataatsimiititaliap isumaqarpoq, Inatsisartut paasisutissanik pissarsinnaanissaannut patalaallisaanissaq pisariaqartinneqartoq, tamat oqartussaaqataanerat kisiat eqqarsaatiginagu kisiannili aamma suliffeqarfiit Namminersornerullutik Oqartussanit pigineqartut tamakkiisumik ingerlanneqarnissaasa qulakkeerneqarnissaat eqqarsaatigalugu. Taamaalilluni suliffeqarfiit Namminersornerullutik Oqartussanit pigineqartut ingerlatsivineqarneranni misilittakkat Inatsisat Atortinneqarnerannut Ataatsimiititaliamit innersuussutigineqarput. Ataatsimiititaliap isumaliutissiissutaa Inatsisartuni amerlasuunit taperserneqarpoq. Taamaammatt Kukkunersuineranut Ataatsimiititaliaata pisinnaatitaanerata annertusineqarnissaa pisariaqartoq Inatsisartut isummerput. Matumunnga naapertuuttumik inatsisissatut siunnersuut una suliarineqarpoq.

Aktieselskabet Namminersornerullutik Oqartussanit pigineqartut pillugit Aningaasaqarnermut Ataatsimiititaliap paasisaqarsinnaatitaanera.

Ataatsimiititaliap siunnersuutininik imaluunniit aningaasalersuinissamut qularnaveeqqusiinissamulluunniit qinnuteqaatinik suliarinninneranut atatillugu Aningaasaqarnermut Ataatsimiititaliap paasitinneqarsinnaatitaanissaa Kukkunersuineranut Ataatsimiititaliap siunnersuutaata nassataraa.

Aningaasaqarnermut Ataatsimiititaliap suliamik suliarinninneranut atugassanik aktieselskabip aningaasalersorneqarnissaanut qularnaveeqqusiiffiginissaanulluunniit suliaqarnermut atatillugu paasisutissanik pisariaqartunik pissarsitinneqarsinnaanera pissusissamisoortoq Nunatta Naqiterivia A/S isumaqarpoq.

Aktiaatillip aktieselskabit pillugit inatsit naapertorlugu aktieselskabimit paasisutissinneqarsinnaanera amerlasuutigut aningaasalersuisumit qularnaveeqqusiisumilluunniit annikinnerusartoq Royal Greenland A/S-imit aamma TELE Greenland A/S-imit taakkartorneqarpoq. Taamaattumik Aningaasaqarnermut Ataatsimiititaliaq pillugu aalajangersagassatut siunnersuutigineqartoq ataatsimiititaliap paasitinneqarsinnaaneranik annertusiinaviannitsoq Royal Greenland A/S-ip aamma TELE Greenland A/S-ip naliliiffigaat.

Namminersornerullutik Oqartussat aningaasaliisutut imaluunniit aningaasalersuisutut aktieselskabit pillugit inatsit imaluunniit malittarisassani aalajangersakkat naapertorlugit paasissutissinneqarnissamik aktieselskabimut piumasaaqarsinnaanngitsoq Deloitte-mit assigisaanik taaneqapoq.

Tunngaviusumik suliffeqarfik Namminersornerullutik Oqartussanit ilaannakuusumik tamakkiisumilluunniit pigineqartumut suliffeqarfik taanna Namminersornerullutik Oqartussat kissaatigisaattut paasissutissanik tunniussiumanngippat, Namminersornerullutik Oqartussat aningaasalersuinissamut qularnaveeqqusiinissamulluunniit itigartitsisinnaapput. Taamaalilluni aningaasaliissuteqarumasup qularnaveeqqusiinissamulluunniit kinaagaluarsup allap paasissutissanik pissarsisinneqarsinnaanerata asserluinnaanik Namminersornerullutik Oqartussat periarfissaqarput; -paasissutissanik pissarsisinnaaneq amerlasuutigut aktiaatillip aktieselskabit pillugit inatsit naapertorlugu paasissutissanik pissarsisinnaanerani annertunerusoq. Pisuni suliffeqarfiup piuinnaarnissaa aningaasaqarniarneraluunniit aningaasanik amigaateqarnikkut ulorianartorsiortinneqartillugit (taamaalillunilu Namminersornerullutik Oqartussat soqutigisaat aamma) taava Namminersornerullutik Oqartussat isumaqatigiinniarsinnaanermi inissisimanagerat sanngiillisinneqarsimassaaq. Misilittakkallumi aamma takutippaat aningaasalersuinissamut qularnaveeqqusiinissamulluunniit suliani tamarmiusuni paasissutissanik ataatsimiititaliamit kissaatigineqartunik tamatiguunngitsoq Aningaasaqarnermut Ataatsimiititaliaq tigusaqartarsimanngitsoq. Naak siunnersuutikkut Aningaasaqarnermut Ataatsimiititaliap paasissutissanik pissarsisinnaanera annertusitinneqarsinnaagunangikkaluartoq tamatuma ersarissisinneqarnissaanut manna iluaqutaassaaq, imminik aningaasalersuinissamut qularnaveeqqusiinissanullu atatillugu inatsisartoqarnikkut nakkutilliineq patajaallisinneqartussatut nalilerneqasinnaavoq. Taamaattumik siunnersuummik matumanga ilusiliineq attatiinneqarpoq.

Aningaasaqarnikkut allatullu ittumik akornutit

Namminersornerullutik Oqartussat allaffissornikkut aningaasartuutaasa qaffannerannik ilutigisaanillu kommuninut tunngasutigut sipaaruteqarnermik siunnersuut nassataqarumaartoq KANUKOKA-mit taaneqarpoq. Tamanna aningaasartuuteqarfik siulliutitassaq pitsaanngitsuusoq nuna tamakkerlugu peqatigiiffik isumaqarpoq.

Siunnersuut marloriaammik allaffissornermik annertunerusumillu nukinnik atuiiffiulissasoq Siulersuinut allattoqarfiup aarlerisaarutigaa, suliffeqarfiimmi kukkunersiuisui kukkunersiuinernik ingerlassaqareerput suliffeqarfiillu siulersuisuinut pissusissamisunnginnernik tikkuussinissamut annertuumik pisussaaffeqareerlutik. Suliffeqarfiit tutsuiginartumik ingerlanneqarnissaat suliffeqarfiit siulersuisuisa qulakkiissallugu pisussaaffigereerpaat. Tamatuma qulakkeernissaanut suliffeqarfiillu aningaasaqarnikkut naammaginantumik ineriartortinneqarnissaannik nakkutilliisussanik Naalakkersuisut siulersuisunik toqqaasarput. Taamaalilluni kukkunersiuiunerup / nakkutilliinerup qaffasissusaa aningaasartuuteqarnartoq alla pilersinneqartussaassaaq.

Namminersortut amerlanerusut annaasaqaataasinnaasunik aningaasaliinissaminnut nakkutilliissutit amerlanerulerneru kajumissaatiginaviangikkaat Nuna Minerals A/S-imit taaneqarpoq.

Inatsisartut ataatsimiititaliaat Namminersornerullutik Oqartussat aktieselskabiutaannik Namminersornerullutillu Oqartussat aktiaatilittut soqutigisaannik Naalackersuisut isumaginninnerannik nakkutilliinissamut inatsimmit aalajangerneqartumik pisinnaatitaaffiliinerup Namminersornerullutik Oqartussat suliffeqarfiutaasa aktieselskabinngortinneqarneranni inuussutissarsiornikkut sunniuteqarnissamik anguniagaq anguneqanngitsoorluarsinnaasoq Aalisarnermut Piniarnermullu Pisortaqaqarfiup aarlerisaarutigaa. Naalackersuinikkut toqqaannartumik sunniuteqartarnerup annikillisinneqarnissaa kissaatigalugu suliffeqarfiit taamaalillutik ingerlatsinerminnik pitsanngorsarnissartik aallussinnaaniassammassuk aktieselskabit Namminersornerullutik Oqartussanit pigineqartut pilersinneqarnerat toqqammaviusoq KANUKOKA-mit assinganik taaneqarpoq. Kukkunersiuinermut Ataatsimiititaliamit siunnersuutikkut niueralpaartumik ingerlatsineq suliffeqarfinniit aammaartumik ingerlanneqarunnaarsinnaaneranut aarleqqutissaqartoq KANUKOKA isumaqarpoq.

Niuernikkut iliuuserisartakkaminik isertuussisinnaanermik suliffeqarfiup pisariaqartitsinera Nuna Minerals A/S-ip tikkuarpaa. Assigisaanik suliffeqarfiup nammineerluni isumaqatigiissuteqarfigineqartullu paasisutissaataat mianernartut Inatsisartunit Kukkunersiuinermut Ataatsimiititaliamiit misissuiffigineqarsinnaalernerat suliffeqarfimmut Namminersornerullutik Oqartussanit pigineqartumut pitsaanngitsumik sunniuteqarsinnaammat Royal Greenland A/S-ip aamma TELE Greenland A/S-ip tamanna innersuunneqarsinnaanngitsoq allappaat.

Namminersornerullutik Oqartussat allaffissornikkut aningaasartuutaasa qaffasinnaanerat pillugu apeqqut eqqarsaatigalugu Aningaasaqarnermut aamma Kukkunersiuinermut Ataatsimiititaliat qanoq annertugisumik paasisutissanik pissarsiniartarumaarnerannik qaffariaat taamaattoq aallaveqassaaq. Aningaasaqarnermut Ataatsimiititaliap aamma Kukkunersiuinermut Ataatsimiititaliap avataanit ikiorserneqartarnerat Inatsisartut missingersuutaasa tamarmiusut iluini pisarpoq. Matumangga annertunerusumik qaffariaateqartitsinissaq piffisami matumani naatsorsuutigineqanngilaq.

Namminersornerullutik Oqartussat aktiaatilittut soqutigisaasa Naalackersuisunit isumaginnineqarnerat inatsisartutigoortumik nakkutilliivigineqarnerata patajaallisinneqarneratigut soqutigisat taakku isumagineqarnerisa pimoorunneqarnerunissaat nukittorsarneqassasoq ilimagineqarsinnaavoq. Taamaalilluni siunnersuut toqqaannanngitsumik Naalackersuisut allaffeqarfianni nukissanik annertunerusunik pisariaqartitsinermik pilersitsisinnaavoq. Paarlattuanik aktieselskabini pineqartuni Namminersornerullutik Oqartussat aningaasaliissuteqarfigisimasaanni naleqassutsinut sanilliullugu Namminersornerullutik Oqartussat aktiaatilittut soqutigisaannik isumaginninnerup patajaallisinneqarnera pitsaasumik sunniuteqarsinnaasoq ilimagineqarsinnaavoq.

Namminersornerullutik Oqartussat suliffeqarfiutaasa aktieselskabinnegortinneqarneranni inuussutissarsiornikkut sunniutissatut anguniagaasoq siunnertuutip atuuttuujunnaarsissagaa ilimagineqanngilaq. Paarlattuanik Namminersornerullutik Oqartussat aktiaatilittut soqutigisaannik inatsisartutigoortumik nakkutilliinerup patajaallisarnissaa siunnersuutip siunertaraa taamaalillunilu suliffeqarfiup ingerlanneqarnerata pitsanngorsarnissaanut kajumissaataassalluni.

Kiisalu suliffeqarfiit niuernikkut iliuuserisartakkaminnik isertuussisarnissamut pisariaqartitaat eqqarsaatigalugit, ajornartorsiut taanna siunnersuummi matumani atorpeqartutut ilusiliinermut sanilliullugu piffissami matumani (tamakkiisumik) pineqanngilaq, aktieselskabimmi pillugit inatsimmit suliffeqarfiullu maleruagassaanit tunngavissaqartitsilluni paasissutissat pissarsiarineqarsinnaanerinit periarfissat siunnersuummi aallaavigineqarmata. Matumani ilanngunneqassaaq aktieselskabit Namminersornerullutik Oqartussanit pigineqartut pillugit paasissutissat pissarsiarineqartut, paasissutissat isertuussisussaataitanermik peqquneqaammik ilallugit tunniunneqarsimatillugit, pillugit Kukkunersiuinermut Ataatsimiititaliaq (assinganik Aningaasaqarnermut Ataatsimiititaliaq) taakkulu ilaasortaat atorfilittaallu nipangiusimannittussaataammata.

Nipangiusimannittussaataaneq taanna pinerluttulerineq pillugu inatsimmi aalajangersakkat aqqutigalugit kinguneqaatissinneqartarpoq. Ataatsimiititaliat ilaasortaasa nipangiusimannittussaataanermut matuminngalu malinninnginnerup isigineqartarnerata ilungersunarluinnartutut isigisariaqarneranut maluginiaanissaat qulakkeerumallugu siunnersuutigineqartarpoq ataatsimiititaliani ilaasortaat ataatsimiititaliamut ivertinneqarnerminni nipangiusiannittussaaneq eqqortikkumallugu ilumoorluinnarumallutik nalunaarnertik allaganngorlugu atsiortassagaat.

Suliffeqarfiup kukkunersuiisua aqqutigalugu paasissutissanik pissarsisarneq

Aktieselskabini Namminersornerullutik Oqartussat aalajangiisuusumik sunniuteqarfisaanni Namminersornerullutik Oqartussat aktiaatilillut soqutigisaannik nakkutillinissamut Kukkunersiuinermut Ataatsimiititaliap atugassaminik aktieselskabip kukkunersuiisuanit atortussanik pisariaqartunik, ilanngussanik, nalunaarusianik il. il. pissarsiniarsinnaanera pillugu aalajangersagaq Kukkunersiuinermut Ataatsimiititaliap siunnersuutaani ilaavoq. Paasissutissat ataatsimiititaliamit pissarsiarineqartut pillugit aktieselskabip kukkunersuiisuaata Naalakkersuisut allallu aktiaateqarsinnaasut nuutitanngorlugu ilisimatittassagai aalajangersakkami aamma allassimavoq.

Assinganik Aktieselskabini Namminersornerullutik Oqartussat aalajangiisuusumik sunniuteqarfisaanni taamaattoq aktieselskabinut aningaasalersuinissamik qularnaveequsiinissamilluunniit siunnersuutiniq qinnuteqaatinilluunniit suliarinninnermut taamaallaat atugassanik aktieselskabinut suliffeqarfiup kukkunersuiisuanit atortussanik, ilanngussanik, nalunaarusianik il. il. Aningaasaqarnermut Ataatsimiititaliaq pissarsiniarsinnaasoq pillugu aalajangersagaq ilaavoq.

Taama ilusiliisimanermut tusarniaavigineqartut arlallit aarlerisaaripput.

Paasissutissat suliffeqarfiup kukkundersiuisuanit pinatik aktieselskabimiilli toqqaannartumik matumani suliffeqarfiup siulersuisuinit aqutsisuniilluunniit pissarsiariniarneqartariaqartut Nunatta Naqiterivia A/S isumaqarpoq.

Paasissutissat pisariaqartut ataatsimiititaliamut suliffeqarfiup ulluinnarni aqutsisuisa pitsaanersumik periarfissaqarlutik tunniussinnaagaluaat Royal Greenland A/S-ip aamma TELE Greenland A/S-ip tikkuarpaat. Tamatuma saniatigut paasissutissat kissaatigineqartut kukkundersiuisumit saqqummiunneqartittarnissaannut atatillugu aningaasartuutissat suliffeqarfiit marluusut tikkuarpaat. Kiisalu suliffeqarfiup pissutsit isertuussai pillugit paasissutissat ingerlateqqinneqartarnerisa, kukkundersiueq pillugu inatsit, eqqartuussisarneq pillugu inatsit kiisalu aktieselskabit pillugit inatsit naapertorlugu kukkundersiuisut nipangiusimannittussaataanerisa sanioqqunneqarnissaa nassataassasoq suliffeqarfiit tikkuarpaat.

Kukkundersiuisut paasissutissiisinnaassuseqarnerat aamma nipangiusimaninnittussaataanerit kukkundersiuisut pillugit inatsimmit aamma aktieselskabit pillugit inatsimmit aalajangersarneqartup sanioqqunneqarnissaa Kukundersiuiinermut Ataatsimiititaliap ilusissatut siunnersuutaanit nassatarineqassasoq aamma Arctic Umiaq Line A/S-ip allappaa. Inatsisit taakku marluk Folketingimit akuersissutaasimammata taakku sanioqqunneqarnissaa Folketingip kisimi akuersissutigisinnaavaa. Taamatuttaaq ilusiliineq Kukundersiuisarfiup PriceWaterhouseCoopers-imit eqqarsarnartoqartinneqarpoq, tamatuma kukkundersiuisup nipangiusimannittussaataanerit nalinginnaasumik atorunnaarsitsinissaq nassatarisussaammagu kukkundersiuisullu inissisimanagera suliffeqarfimmut pineqartumut aktiaatilimmullu sumulluunniit atuumassuteqartuunngitsoq kinaassusersiortuunngitsorlu sanngiillisinneqassammat. PriceWaterhouseCoopers-ip paasinninnera naapertorlugu atortussat tamaasa paasissutissallu tamakkerlugit Kukundersiuiinermut Ataatsimiititaliamit kissaatigineqarsinnaasut suliffeqarfiup siulersuisui aqutugalugit pissarsiariniarneqartariaqarput. Paasissutissat tamakkiisuunersut nalornissutaatillugu pissarsiniarnermut atatillugu paasissutissat tamakkiisuusut eqqortuusullu suliffeqarfiup kukkundersiuisuata uppersarsassagaa siulersuisut qinnuigineqarsinnaapput.

Kukkundersiuisarfik Deloitte isumaqarpoq, ilanngussanik pisariaqartunik, atortussanik, allagaatinik paasissutissanillu allanik tunniussisarnissaq aqutsinikkoortumik suliassaasoq tamannalu tunngavigalugu kukkundersiuisumit aatsaat isumagineqarsinnaasoq, sulihammi pissusiatigut aningaasatigut kukkundersiuiinermut atatillugu kukkundersiuisup suliassaasa avataaniittuni pissutsinut kukkundersiuisoq tamakkiisumik ilisimasaqartannngimmat. Pisulli ilaanni suliffeqarfiup aqutsisuisa paasissutissat tunniussaata suliffeqarfiup kukkundersiuisuata uppersarsaavigissagai qinnutigineqartassappat pissusissamisuusaaq.

Tamakku saniatigut aqutsisoqarfiit suliffeqarfiullu kukkunersuiuisua pisinnaatitaaffinik suliffeqarfiit pillugit inatsiliornikkut aalajangersaanermut tunngatillugu ajornartorsiut tusarniarneqartut arlallit tikkuarpaat.

Kukkunersuiuinermit Ataatsimiititaliap misissuinerisa inerliliussaasalu aqutsinermut akisussaanerup siulersuisuniit aqutsisunut nuunneqaratarsinnaanera – kiisalu suliffeqarfimmuut atatillugu kukkunersuiuinermit ingerlatsineq qulaajaanertut isikkoqalersinneqarsinnaammatt, tamanna aktieselskabit pillugit inatsit naapertorlugu ataatsimeersuarnermi taamaallaat aallartisinneqarsinnaammatt, Royal Greenland A/S-ip aamma TELE Greenland A/S-ip aarlerisaarutigaa.

Aqutsisoqarfimmik nutaamik Kukkunersuiuinermit Ataatsimiititaliap siunnersuutaatigut eqqussisoqassasoq aktieselskabillu pillugit inatsimmi nalilersorluakkamik pisinnaatitsinerit suliassanillu agguataarinerit taamaalillunik ajorseriartinneqassasut Pilersuisoq A/S allappoq. Tassunga atatillugu piginnittut suliffeqarfiullu akornanni kinaassisersisarnissaq pilersinneqarlersinnaammatt aarleqqutissaasoq suliffeqarfiup maluginiaqquaa.

Ataatsimut isiginerusumik – suliffeqarfiit kukkunersuiuisui pillugit aqutsisoqarfiullu akisussaaffii suliassaallu pillugit siuliani taaneqartut ataatsimoortillugit – Inuussutissarsiornermit Siunnersuisoqatigiit ernummatigalugu oqaatigaat, Kukkunersuiuinermit Ataatsimiititaliap siunnersuutaa saqqummiunneqarnermisut piviusunngortinneqaraluarpat aktieselskabit pillugit inatsimmi aalajangersakkat ilaannik, ilaatigut siulersuisut akisussaanerannik atortussanillu tunniussinnaanermik maleruagassiisunik atorunnaarsitsinermik kinguneqarsinnaasoq.

Aktieselskabit pillugit inatsimmut, ukiumoortumik naatsorsuutinik suliffeqarfiit ilaasa saqqummiussinissaat pillugu inatsimmut, naalagaaffimmit akuerisaallutik kukkunersuiusut il. il. pillugit inatsimmut, pingaartumik siulersuisut pisinnaatitaaffiinut aamma inissisimanerannut kiisalu suliffeqarfiup siulersuisuinut atatillugu suliffeqarfiup kukkunersuiusuata pisussaaffiinut Kukkunersuiuinermit Ataatsimiititaliap siunnersuutaa akerliusoq KANUKOKA isumaqarpoq.

Aktieselskabit pillugit inatsimmi aalajangersakkanut akerliusumik taamaattumillu tassunga atasumik akisussaaffiinut akerliusumik atortussanik tunniussinissamik siulersuisunut ilaasortat aqutsisullu peqquneqarsinnaanissaat Kukkunersuiuinermit Ataatsimiititaliap siunnersuutaata nassatarissammagu ernumassuteqarnini Inuussutissarsiornermit Pisortaqarfiup oqaatigaa.

Assinganik tunngaviusumik aktieselskabit inatsisitigut maleruagassaannut Kukkunersuiuinermit Ataatsimiititaliap siunnersuutaa naapertuuttuunersoq Nuna Minerals A/S-ip apeqquserpaa.

Kiisalu Naalakkersuisut avaqqullugit Kukkunersuiuinermit Ataatsimiititaliap paasisutissanik pissarsiniarsinnaaneramik (kisiannili paasisutissat pissarsiarineqartut Naalakkersuisut nuutitanik ilisimatinneqartarnissaat)

Kukkunersiuinermit Ataatsimiititaliap siunnersuutaata periarfissiinisaa tusarniaaffigineqartut arlallit eqqarsarnartoqartippaat.

"Inatsisiliortuusup atuutsitsisuusullu akulerunneqarneri siunnersuummit ersersineqartoq Inatsisip Tunngaviusup § 3-anut naapertuunnersoq" allaat nalorninartuusooq Pilersuisooq A/S isumaqarpoq. Taamaaqataanik ilusiliineq Naalakkersuisunut ilaasortat akisussaanagerat pillugu pissaanerup agguataarneqartarnera inatsisiliornerlu pillugit ilinniartitsissutinut ajornanngitsumik akerliulersinnaanera Inuusutissarsiornermut, Nunalerinermit Suliffeqarnermullu Pisortaqarfimmit tikkuarneqarpoq.

Namminersornerullutik Oqartussat aktiaatilittut soqutigisaannik isumaginninnissamut Naalakkersuisut akisussaasuusut, Inatsisartut/Inatsisartut Kukkunersiuinermit Ataatsimiititaliaat matuminnga nakkutilliisussaasoq Royal Greenland A/S-ip aamma TELE Greenland A/S-ip oqaatigaat. Nakkutilliineq taama ittoq paasissutissanit Naalakkersuisut pissarsiarissallugit periarfissaqarfigisimasaannit taamaallaat tunngaveqartariaqarpoq. Taamaattumik nakkutilliinermit paasissutissat pisariaqartut Naalakkersuisunit toqqaannartumik ataatsimiititaliap pissarsiariniarsinnaasariaqarai suliffeqarfiit taakku marluk isumaqarput. Taamaaqataanik Namminersornerullutik Oqartussat aktiaatilillut soqutigisaannik Naalakkersuisut isumaginninnerat Kukkunersiuinermit Ataatsimiititaliamit nakkutilliivigineqarsinnaanera periarfissikkumallugu siunnersuutip siunertarisasa ilagigaat Deloitte-p oqaatigaa, isumaqarlunili Kukkunersiuinermit Ataatsimiititaliap suliffeqarfinnik Namminersornerullutik Oqartussanit pigineqartunik ataatsimiititaliaq nakkutilliinissaminut Naalakkersuisunit pitsaanerusumik periarfissaqartoq, tassa Naalakkersuisut suli suliffeqarfiit pillugit inatsisip periarfissiissutai atorlugit ingerlatsisariaqarmat. Naalakkersuisut aamma Kukkunersiuinermit Ataatsimiititaliap maleruagassatik immikkuullarissut aqutigalugit suliffeqarfiup paasissutissaataanik pissarsisarnissaat pissusissamisuussasoq Deloitte-p isiginngilaa. Toqqaannartumik aktiaatilittut soqutigisanik Naalakkersuisut isumaginnissappata, Kukkunersiuinerullu Ataatsimiititaliap Naalakkersuisut Namminersornerullutik Oqartussat aktiaatilittut soqutigisaannik illersorneqarsinnaasumik isumaginerannik nakkutilliinermini paasissutissanik Naalakkersuisut pigeriigaannik pissarsitinneqartarnissaa qulakkeerneqarpat pissusissamisoornerpaasujussasoq Deloitte-mit isigineqarpoq.

Siunnersuummi tusarniaassutitut nassiunneqaqqaartumit ilusiliineq alla, siunnersuummi suleqatigiissitatut pilersinneqarsimasup missingiusiaanit aallaaveqarluni saqqummiunneqartumi atorneqartoq takuneqarsinnaavoq. Tassani aktieselskabini Namminersornerullutik Oqartussanit tamakkiisumik ilaannakuusumilluunniit pigineqartuni Namminersornerullutik Oqartussat aktiaatilittut soqutigisaannik nakkutilliinissaminut Kukkunersiuinermit Ataatsimiititaliap Naalakkersuisut peqqusinnaavai suliffeqarfimmit, pisariaqarpat aktieselskabit pillugit inatsimmit suliffeqarfiullu malittarisassaanit tunngavissinneqartumik periarsissat atorlugit paasissutissanik erseqqinnerusumik aalajangikkanik pissarsiniaqqullugit. Taamaalilluni paasissutissanik Naalakkersuisut aqutigalugit, aktieselskabit pillugit inatsimmut naapertuulluinnartumik

suliffeqarfiullu kukknersiuisua toqqaannartumik attaviginagu pissarsiniarneq pisassalluni.

Naalackersuisut tassaangillat aktiaateqartut kisiannili Namminersornerullutik Oqartussat. Namminersornerullutik Oqartussat sinnerlugit Naalackersuisut aktiaatilittut soqutigisanik isumaginnittuupput. Aktiaateqartup (Namminersornerullutik Oqartussat) aalajangigassaraa ingerlatsisutut immikkoortup (Naalackersuisut) aamma ingerlatsinermik nakkutilliisutut immikkoortup (Inatsisartut) paasissutissat aktiaatilimmut Namminersornerullutik Oqartussanut tunniunneqartut qanoq ilillutik agguataassaneraat aalajangigassaraa. Tamanna siunertaralugu aaqqissuussinerit aalajangerneqarsimasut aktieselskabit pillugit inatsisiliornermi imaluunniit kukknersiuisoqarfimmut pineqartumut inatsisiliornermi maleruagassiorneqarsimanngillat.

Taamaalilluni paasissutissanik kissaatigineqartunik Kukknersiuiernermut Ataatsimiititaliamut qanoq ililluni tunniussisarnissap aaqqissuunnissaa suliffeqarfiit ataasiakkaat kisimik aalajangigassaraat. Suliffeqarfiup Namminersornerullutik Oqartussanit tamakkiisuusumik pigineqarnera imaluunniit Namminersornerullutik Oqartussat ikinnerussuteqartumik aktiaateqarnerat apeqqutaatinnagu, aktianut immikkut nioqutigineqartunut immikkut pisinnaatitaaffeqarneq pillugu aalajangersakkamik maleruagassanut ilanngussisoqarsinnaavoq. Pisinnaatitaaffiit taamaattut assersuutigalugu nioqutigineqartunik pigisallit allat paasissutissanik suliffeqarfiup siulersuisuisut pisaasa assinginik imaluunniit nioqutigineqartumik pigisallit allat suliffeqarfiup kukknersiuisuata pissarsiarisartagaasa assinginik tigusaqartarnissaat akuerineqarsinnaatissinnaavaat.

Suliffeqarfiit bursimut nalunaarsorsimasut pineqarpata aktiaatillit paasissutissinneqartarnerisa qaffasissusaat maleruagassatigoortumik allaanerumik iliuuseqarfigineqarsinnaanngillat. Paarlattuanilli paasissutissinneqartarnerup qaffasissusaa inatsisiliornerup piumasaqaataanut sanilliullugu kikkut tamaasa eqqarsaatigalugit pitsanngorsaavigineqarsinnaalluarpoq.

Assigiisitsinissamut tunngaviusumut, suliffeqarfimmi aktiaatilinnut atuuttumut sanilliullugu ajornartorsiutaasinnaasut.

Namminersornerullutik Oqartussat tamakkiisuusuunngitsumik piginneqataaffiini aalajangiisuusumilli sunnuteqarfigisaanni Kukknersiuiernermut Ataatsimiititaliap ingerlatsinermik kukknersiuisarnissaanut periarfissiineq assigiisitsinissamut tunngaviusumut suliffeqarfinni aktiaatilinnut tamanut atuuttumut akerliusorinarnera Nuna Minerals A/S-imit aarlerisaarutigineqarpoq.

Kukknersiuiernermut Ataatsimiititaliap siunnersuutaani atuarneqarsinnaavoq, aktieselskabip kukknersiuisuata Naalackersuisuinnaanngitsut kisiannili aktiaateqarsinnaasut allat paasissutissanik ataatsimiititaliamut tunninneqartunik aamma nuutitanngorlugit ilisimatittassagai. Taamaalilluni Kukknersiuiernermut Ataatsimiititaliap siunnersuutaa aktiaatillit tamakkerlutik paasissutissanik Kukknersiuiernermut Ataatsimiititaliamit pissarsiarineqartunik pissarsinnaatissavai. Taamaattumik Kukknersiuiernermut Ataatsimiititaliap paasissutissanik

pissarsisinnaatitaanera kisiat assigiisitsinissamut tunngaviusumut unioqquטיםooratarsinnaasutut Nuna Minerals A/S-imit isigineqarsimassaaq. Allatulluunniit oqaatigalugu, Namminersornerullutik Oqartussat paasissutissanik pissarsisinnaanerattuulli aktiaatillit allat pissarsisinnaanngitsut.

Ilusiliinerup taassuma inatsisissatut siunnersuummi atorineqartup taaneqareersullu, Kukkunersuinerumut Ataatsimiititaliaq pisinnaatippaa suliffeqarfimmit, pisariaqarpat aktieselskabit pillugit inatsimmit suliffeqarfiullu malittarisassaaniit tunngavissinneqartumik periarissat atorlugit paasissutissanik erseqqinnerusumik aalajangikkanik Naalakkersuisut peqqusinnaagai pissarsiniaqqullugit. Taamaalilluni inatsisissatut siunnersuutip aktiaatillit tamakkerlugit assigiisippai paasissutissanik pissarsiniarsinnaaneq aamma eqqarsaatigalugu.

Aktieselskabip Namminersornerullutik Oqartussanit pigineqartup ilaannakuusumik ingerlatseqatigiiffiutaa pillugu paasissutissaatanik isertuussanik Kukkunersuinerumut Ataatsimiititaliap pissarsinissaaneranut atatillugu ajornartorsiutaasinnaasut.

Aktieselskabip Namminersornerullutik Oqartussanit pigineqartup ingerlatseqatigiiffiutaa pillugu paasissutissanik isertuussanik ataatsimiititaliap pissarsisinneqartalenera Kukkunersuinerumut Ataatsimiititaliap paasissutissanik killeqanngitsumik pissarsisinnaatitaalernerata nassatarissagaa Royal Greenland A/S-ip aamma TELE Greenland A/S-ip tikkuarpaat. Suliffeqarfiup Namminersornerullutik Oqartussanit pigineqartup ingerlatseqatigiiffiutaa tamakkiisumik pigineqanngikkuni, suliffeqarfimmut piginnittumut paasissutissanik isertuussanik ataatsimiititaliamut ingerlatitseqeeqqusisinnaanera ajornakusuussaaq. Tamatuma saniatigut ingerlatseqatigiiffiutigineqartup paasissutissaatai isertuussat Inatsisartunit misissuiffineqarsinnaanerlerpata suliffeqarfimmi peqataasut allat siunissami suleqatigineqarnerat akornuserneqarsinnaavoq.

Inatsisissatut siunnersuummi ilusiliinerumut sanilliullugu ajornartorsiut taanna (tamakkiisumik) maannakkut pineqanngilaq, tassa paasissutissanik pissarsisinnaanermut periarfissat siunnersuummi aallaavigineqarmata aktieselskabit pillugit inatsimmit suliffeqarfiullu maleruagassaaniit tunngavissinneqarsimasut. Matuma saniatigut Kukkunersuinerumut Ataatsimiititaliaq (assinganillu Aningaasaqarnerumut Ataatsimiititaliaq) taassumalu ilaasortai atorfilittaalu aktieselskabiniit Namminersornerullutik Oqartussanit pigineqartunit paasissutissat pissarsiarineqartut pillugit, paasissutissat isertuussassaanerannik piumasaqaateqarluni tunniunneqarsimatillugit, nipangiusimannittussaataapput. Nipangiusimannittussaataaneq pinerluttulerinermi inatsimmi aalajangersakkat aqutigalugit kinguneqaatissiissutigineqartarpoq.

Kukkunersuinerumut Ataatsimiititaliap paasissutissanik pissarsisinnaanerata killiliivigineqarneranut sanilliullugu, matumani ingerlatsinermik kukkunersuinerumik aallartisisinnaaneranut atatillugu ajornartorsiutaasinnaasut.

Suliffeqarfiit pillugit inatsit atuuttoq ataqqillugulu mianeralugu ingerlatsinermik kukkunersuiisarnissamik siunnersuutigineqartup imarisamigut annertussutisigullu ersarinnerusumik erseqqissarneqarnissaa ilusiliivigineqarnissaa Arctic Umiaq Line A/S-ip innersuussutigaa. Taamaalilluni kiffartuussinissamik isumaqatigiissutit malillugit ingerlanneqartunut suliffeqarfiup suliassaqaarfiinut tunngasut kisimik ingerlatsinermik kukkunersuiinermut ilaatinneqassanersut Kukkunersuiinermut Ataatsimiititaliap sinnersuutaani ersarissumik allanneqarsimanngitsut Arctic Umiaq Line A/S isumaqarpoq. Kiffartuussinissamik isumaqatigiissutit malillugit sulianut ingerlanneqartunut atatillugu ingerlatsinermik kukkunersuiineq immikkut eqqarsaatigalugu, Arctic Umiaq Line A/S-imit innersuussutigineqarpoq, siunnersuummi imaluunniit inatsimmut oqaaseqaatini allassimassasoq, ingerlatsinermik kukkunersuiinermi taama ittumi tapiissuteqartut, tapiissuteqarfigineqartup aqutsisui tapiissuteqarfigineqartullu kukkunersuiisuata akornanni akisussaaffimmik killeqartitsinissaq tunngavissaatitaassasoq. Taamaalilluni pisortat aningaasaataasa ingerlanneqarnerannut kiisalu naatsorsuutininik tunniussisarnernut il. il. suliffeqarfiup aqutsisuisa akisussaasuunerat Arctic Umiaq Line A/S-ip paasinninnera malillugu aallaavigineqartariaqarpoq. Suliffeqarfiup kukkunersuiisuata aqutsisut suliassaminnik qanoq isumaginnissimanerat naliliiffigisartussaavaa. Illuatungaaticullu tapiissuteqarnermi aqqissuussineq kissaatigineqartutut kinguneqarnerasoq taamaalillunilu naalakkersuinikkut anguniakkanik eqquutsitsinersoq tapiissuteqartup akisussaaffigisallugu. Inatsimmi tunngavigineqartumi aalajangersarneqartut anguniakkat piviusunngortinneqarsinnaanerata aqqissuussinermilu inuiaqatigiissutsikkut sunniutaa anguneqarsimanersoq naliliiffigineqarsinnaaqqullugu nalinginnaasumik iluatsitsinissamut piumasaqaatinik pilersitsinissaq tapiissuteqartup isumagisariaqarpaa.

Kukkunersuiisarfiup Deloitte-p paasinninnera aamma malillugu ingerlatsinermik kukkunersuiisinnaaneq qanoq annertutigissanersoq Kukkunersuiinermut Ataatsimiititaliap inatsisissatut siunnersuutaani tassungalu oqaaseqaatigineqartut ersarissumik paasinarsisinneqanngillat. Kukkunersuiisarfiup paasinninnera malillugu Namminersornerullutik Oqartussat aktiaatilittut soqutigisaannik Naalakkersuisut isumaginninnerannik Kukkunersuiinermut Ataatsimiititaliap naliliisinnaaneranut periarfissap aamma suliffeqafinnik Namminersornerullutik Oqartussanit aqunneqartunik Kukkunersuiinermut Ataatsimiititaliap ingerlatsinermik kukkunersuiisinnaanerata akornanni ataqatigiisitsinissaq pisariaqanngitsoq Deloitte-p oqaatigaa. Namminersornerullutik Oqartussat aningaasalersuiffigisaanni suliffeqarfiup suliassaasa kiffartuussinissamik isumaqatigiissutinut/tapiissutinut ilaqartut aamma suliffeqarfiup ingerlatsinermik suliassaasa allat akornanni annertuumik immikkoortitsisoqartariaqartoq Deloitte isumaqarpoq. Inatsisissatut siunnersuutip oqaasertaliorneqarneratuut suliffeqarfik Namminersornerullutik Oqartussanit tamakkiisumik pigineqartoq pineqartillugu suliassaqaarfinnut tunngasut tamakkerlugit Inatsisartut Kukkunersuiinermut Ataatsimiititaliaata paasissutissarsiorfigisinnaavai matumanilu nunatta karsiata kukkunersuiisua avataaneersoq ingerlatsinermik kukkunersuiinissamik ingerlatseqquneqarnissaa ilaalluni. Kiffartuussinissamik isumaqatigiissutinut/tapiissutinut ingerlatsinermik kukkunersuiisinnaaneq ilan-ngunneqartariaqartoq, Namminersornerullutik Oqartussat aktiaatilittut soqutigisaannik Naalakkersuisut qanoq isumaginninnerannik

nalilersuinermut tamanna atassuteqartinnagu Deloitte-p siunnersuutigaa. Suliffeqarfiup suliassaanut tamanut tunngasunut tamakkiisumik pissarsisinnaanerup kingunerissavaa, suliffeqarfiit Namminersornerullutik Oqartussanit pigineqartut suliffeqarfiillu nammineertitat akornanni taamaallaat annikitsuararsuarmik assigiinnngissuseqarneq. Danskit iliuuserisartagaannit, Naalagaaffiup kukkunersuiusua pillugu inatsisip § 6-iani oqaasertaliunneqartumit Deloitte-p paasinninnera malillugu iliuusaasussatut siunnersuutigineqartoq annertunerujussuuvoq.

PriceWaterhouseCoopers paasinninnerit assigisaannik oqaaseqanngilaq aarlerisaarutigaluguli ingerlatsinermik kukkunersiueqqusinissamut periarfissiineq mianersorluinnartumik atorneqartariaqartoq maleruagassamullu taarsiullugu qaqutigoortariaqartoq, tassami taama iliuuseqarneq suliffeqarfiup ulluinnarni aqutsisuinut aamma siulersuisuinut tatiginninnginnertut nalinginnaasumik paasineqarsinnaammat. Tatiginninnginneq taama ittoq suliffeqarfiup ingerlanneqarneranut nalinginnaasumik ajoqutaarujussuuartarpoq, aaqqissuussaannikkummi toqqissisimannginermik pilersitsisarmat ajornerpaagaangallu suliffeqarfiup nalinginnaasumik iliuseqarsinnaaneramik unitsitsarmat.

Aktieselskabinut Namminersornerullutik Oqartussanut pigineqartunut tunngatillugu ingerlatsinermik kukkunersuiuineramik periarfissiinissamik siunnersuutigineqartoq kiffartuussinissamik isumaqatigiissutinut il. il. ilaatinneqartunut suliassanut taamaallaat killiligaanngilaq. Tamanna suliassaqaarfik Kukkunersuiuinermut Ataatsimiititaliap siornatigulli Inatsisartut inatsisaanni atuuttumi § 17, imm. 2 naapertorlugu annertoarujussuarmik kukkunersuiuffigisinnaareepaa. Oqartussaasunut kiffartuussinissamik isumaqatigiissutinik akisussaallutik atortuulersitsisunut tunngatillugu maleruagassat atuuttut malillugit Kukkunersuiuinermut Ataatsimiititaliaq taamaalilluni ingerlatsinermik kukkunersuiuinissamut periarfissaqarpoq, matuma ilaatut nalilersuiuffigisinnaallugu aningaasaqarnikkut mianerisassat mianeralugit kiffartuussinissamik isumaqatigiissutit suliarineri ilusilersorneqarsimanersut matumani ilangullugit suliffeqarfiup pineqartup akilerneqarsimanerata nakkutilliivigineqarnera naammaginaruunersoq aamma qulakkeeriffigissallugu (assersuutigalugu manna pillugu kukkunersuiusut uppersaanissaannik piunarsaqaateqarnikkut).

Siunnersuummili matumani ingerlatsinermik kukkunersuiuineramik ingerlatsinissamik periarfissaq erseqqissagaavoq, taamaalilluni aktieselskabit Namminersornerullutik Oqartussanit tamakkiisumik ilaannakuusumilluunniit pigineqartut ingerlanneqarneranni aningaasaqarnikkut mianerisassat Naalakkersuisunit qanoq annertutigisumik qulakkeerniarneqarsimaneramik ingerlatsinermik kukkunersuiueq nalilersuinertut isikkoqartinneqartoq allanneqarsimalluni.

Ingerlatsinermik kukkunersuiuinerup aallartisinneqarnissaanut periarfissap mianersortumik atorneqartariaqarneramik kaammattuut inatsisissatut siunnersuutip oqaaseqaatitaanut ilanngunneqarnikuuvoq.

Kalaallit Nunaanni Inatsisartut ataanni sumulluunniit attuumassuteqanngitsumik kukkunersuiusutut oqartussaasumik pilersitsinissaq

Tungaviit illuinnaasiortungitsut annertuut Kalaallit Nunaanni Inatsisartut ataanni sumulluunniit attuumassuteqanngitsumik kukkunersiuusutut oqartussaasumik, aktieselskabini Namminersornerullutik Oqartussanit pigineqartuni pisortat aningaasaataannik atuinerup annertusisaasinnaasumik pitsaasumillu misissuataarnerinut nammineq nukissaqartitaalluni ingerlatsisinnaasumik pilersitsinissamut tungavissaatitaanissaat siunnersuutip pisariitsumik pilersinneqarnissaanut tikkuussisuusut Arctic Umiaq Line A/S-ip oqaatigaa.

Namminersornerullutik Oqartussat aktiaatilittut soqutigisaannik isumaginninnerup inatsisartoqarnikkut nakkutilliivigineqarsinnaanerat pillugu apeqqut Inatsisartunit Inatsisartulluunniit ataatsimiititaliaannit samminninnikuunngilaq, Kalaallit Nunaanni Inatsisartut ataanni sumulluunniit attuumassuteqanngitsumik kukkunersiuusutut oqartussaasumik pilersitsisinnaanermut (Kukkunersiuinermut Ataatsimiititaliaq Inatsisillu Atortinneqarnerannut Ataatsimiititaliaq) soqutiginninnerarnikuupput. Matumani ilanngunneqassaaq Kalaallit Nunaanni Inatsisartut ataanni sumulluunniit attuumassuteqanngitsumik kukkunersiuusutut oqartussaasumik pilersitsinissaq (assersuutigalugu danskit, norskit svenskilluunniit naalagaaffiup kukkunersiuisoqatigiivisa assingannik) Inatsisartut kukkunersiuilluni nakkutilliinermut aningaasaqarnikkut atugassaasa pioreersut iluini pilersinneqarsinnaanngilaq. Taamaattumik Arctic Umiaq Line A/S-ip innersuussutaa sinnersuummut pineqartumut ilanngutissallugu suleqatigiissitatut pilersinneqarsimasoq tungavissarsisimannngilaq.

Aktieselskabinit allaanerusumik ingerlatseqatigeeriaatsit allat

Aktieselskabinit allaanerusumik ingerlatseqatigeeriaatsinik allanik siunnersuut aamma imaqartinneqatariaqartoq Deloitte isumaqarpoq.

Aktieselskabinit allaanerusumik ingerlatseqatigeeriaatsini allani Namminersornerullutik Oqartussat maannakkut peqataaffeqanngillat. Aktieselskabinit allaanerusumik ingerlatseqatigeeriaatsini allani imaluunniit aningaasaateqarfiit inuussutissarsiutinik ingerlatsisuni assigisaanniluunniit Namminersornerullutik Oqartussat kingusinnerusukkut ilanngutissagaluarpata Inatsisartut inatsisaannik nutarterinissaq pisariaqartinneqalissagaluarpoq, taamaalilluni matumani Inatsisartut inatsisaannut piginnittut soqutigisaat aamma ilanngunneqarsinnaallutik. Tamanna siunnersuummut oqaaseqaatini ilanngunneqarsimavoq.

Kukkunersiuinermut Ataatsimiititalimi/Inatsisartuni ikinnerussuteqartut aalajangiisinnaanernannut periarfissiineq

Aktieselskabinit Namminersornerullutik Oqartussanit pigineqartunut tunngatillugu ingerlatsinermik kukkunersiuinermi paasissutissanik pissarsiniarnissaq aallartitsinissarlunniit pillugu ataatsimiititaliami ilaasortap siunnersuutaanut Kukkunersiuinermut Ataatsimiititaliami amerlanerussuteqartut akerliuppata, ataatsimiititaliami ilaasortap sinnersuut Inatsisartunit aalajangiiffigineqartussatut saqqummiussinnaavaa. Siunnersuut akuersissutigineqartutut isigineqassaguni

matumunnga Inatsisartunut ilaasortat ikinnerpaamik 2/5-ii tapersiillutik taasisimasussaapput.

Inatsisartuni ikinnerussuteqartut aalajangiisinnaaneranmut periarfissamik ilanngussineq immikkuullarissuullunilu tupinnartuusoq Pilersuisoq A/S isumaqarpoq.

Paasissutissanik il. il. pissarsisinnaanermut ikinnerussuteqartut periarfissaannik annertusiinermik siunnersuut malitseqanngilaq paarlattuanilli annikilliliineruvoq. Inatsimmi atuuttumi § 17, imm. 3 naapertorlugu ataatsimiititaliami ilaasortap ataasiinnaalluunniit piumasarippagu atortussanik il. il. ataatsimiititaliaq pissarsiniartussaavoq. Aallaavik taanna Kukkunersiuinermut Ataatsimiititaliap siunnersuutaatigut saneqqunneqarpoq.

Matumunnga tunngavigineqarpoq illuatungaani paasissutissanik pissarsinissamut periarfissinneqarnerup akisussaassuseqartumik atorneqarnissaata qulakkeerneqarnissaanut mianerisassat illuatungaani kukkunersiuilluni misissuinissamut sunniuteqarluartumik periarfissinneqarnerup qulakkeerneqarnissaanut mianerisassat akornanni oqimaaqatigiisitsinissaq.

Ataatsimiititaliap apeqqutaasa akineqarnissaannut suliffeqarfiit ataasiakkaat nukinnik immikkoortitsinissaat eqqumaffigissallugu tunngavissaqarpoq. Taamatuttaaq ingerlatsinermik kukkunersiuinermik aallartitsineq suliffeqarfiup aqutsuinut siulersuisuinullu tatiginninginnertut paasineqaratarsinnaanerata aarleqqutiginnissaanut tunngavissaqarpoq, tamatumami suliffeqarfiup ingerlanneqarneranut ajoqutaasumik aaqqissuussaannikkut annertuumik toqqissisimanninneq kingunerisinnaammagu. Kiisalu paasissutissat mianernartut suliffeqarfiup unammillersinnaassusianut sunniuteqarsinnaasumik siammarterneqarsinnaanerisa pinngitsoortinnissaat suliffeqarfiup inatsisitigoortumik soqutigisarisa eqqumaffigissallugu tunngavissaqarpoq. Mianerisassat taakku paasissutissanik pissarsiniarnissamik ataatsimiititaliami ilaasortap piunasaqaateqarsinnaanera maannakkut pisinnaatitaaffigisaasup killilernissaanut tikkuussipput.

Paarlattuanik Namminersornerullutik Oqartussat aktiaatilittut soqutigisaannik Naalakkersuisut isumaginninnerannut isornartorsiuinermik pilersitsinnaasut partiit naalakkersuisuutitaqartut ataatsimiititaliami sinniisaasa amerlanerussuteqartut pissutsit qulaajarneqarnissaannut amerlanerussuteqarnertik atorlugu pinngitsoortittassappassuk pitsaasuunaviangilaq. Mianerisassaq taanna ikinnerussuteqartut illersorneqarnerat pillugu ilusiliinerup attatiinnarnissaanut tikkuussissuuvoq.

Inatsisissatut siunnersuummi ilusiliineq attatiinnarneqarpoq naak oqaasertaliornera aalajangersimasoq allanngoraluartoq.

Taakku eqqaassanngikkaanni ilusiliineq Folketingip suleriaasiani ilusiliinermi (ikinnerussuteqartut aalajangiisarneri) immikkuullarinnerunngilaq (Takuuk tassani § 8, imm.8, matuma kingorna isumasioqatigiinneq tamanut ammasuussaaq,

ataatsimiititaliap ilaasortaasa 17-iusut akornannit ikinnerpaamik pingasut tamanna taperserpassuk), aamma Inatsimmi Tunngaviusumi (Takuuk tassani § 39, matuma kingorna Folketingip siulittaasuata ataatsimiinnissamut aggersaanissaq pisussaaffigaa, Folketingip ilaasortaasa ikinnerpaamik 2/5-iusut allaganngorlugu tamanna saqqummiussimappassuk. Tamatuma saniatigut takuuk § 41, matuma kingorna Folketingip ilaasortaasa 2/5-iusut qinnutigisinnaavaat aappasaaneerinerup kingorna ullut aqqaneq-marluk qaanngiunnerini pingajussarineq aatsaat pissasoq. Kiisalu aamma takuuk § 42, matuma kingorna innuttaasut taasitinneqarnissaat Folketingip ilaasortaasa 1/3-usut qinnutigisinnaavaat.)

Inatsisip oqaasertaasa inatsimmullu oqaaseqaatit akornanni naapertuutinninnerit

Kukkunersuinermut Ataatsimiititaliap siunnersuutaani suliffeqarfiit Namminersornerullutik Oqartussanit aalajangiisuusumik sunniuteqarfigisaasa aamma suliffeqarfiit Namminersornerullutik Oqartussanit aalajangiisuusumik sunniuteqarfiginngisaasa akornanni immikkoortitsisoqartoq Nunaoil A/S-ip, Nuna Minerals A/S-ip, Royal Greenland A/S-ip TELE Greenland A/S-illu taakkartorpaat, inatsisissatulli siunnersuummut oqaaseqaatini suliffeqarfiit Namminersornerullutik Oqartussanit tamakkiisumik ilaannakuusumilluunniit pigineqartut akornanni immikkoortitsisoqarluni.

Kukkunersuinermut Ataatsimiititaliap inatsisissatut siunnersuutaata siulliup mumittuanik Kukkunersuinermut Ataatsimiititaliaq aamma Aningaasaqarnermut Ataatsimiititaliaq aktieselskabini suliffeqarfiup kukkunersuuisuanit toqqaannartumik paasisutissanik pissarsiniarnissamut periarfissiinermik inatsisissatut siunnersuut saqqummiunneqartoq tunniussinngilaq. Suliffeqarfinni Namminersornerullutik Oqartussanit aalajangiisuusumik sunniuteqarfigisaasa aamma suliffeqarfinni Namminersornerullutik Oqartussanit aalajangiisuusumik sunniuteqarfiginngisaasa akornanni immikkoortitsisoqarnera taamaalilluni inatsisissatut siunnersuutip inatsisitut oqaasertaani saqqummiunneqartumi atorneqanngilaq. Taamaalilluni siunnertuummi saqqummiunneqartumi inatsisip oqaasertaasa inatsimmullu oqaaseqaatit akornanni tamakkiisumik naapertuuttoqarpoq.

4.2. Suleqatigiissitap inatsisissamut missingiusiaa.

Inatsisissatut siunnersuut una inatsisissatut siunnersuummit Inatsisartut 2004-imi upernaakkut ataatsimiinneranni Kukkunersuinermut Ataatsimiititaliamit saqqummiunneqartumit tamatumalu kingorna tusarniaassutigineqartumit annertuumik taaneqareersumit tunngaveqarpoq.

Taamaakkaluartoq suleqatigiissitap inatsisissamut missingiusiaa aamma tusarniaassutigineqarpat eqqornerpaassasoq suleqatigiissitaq isumaqarsimavoq. Tassunga atatillugu tusarniaaffigineqartut amerlisinneqarsimapput taamaalilluni inatsisissatut siunnersuummut oqaaseqaateqarnissamut tulluuttut periarfissinneqarsimallutik: Royal Greenland A/S, TELE Greenland A/S, Pilersuisoq A/S, Arctic Umiaq Line A/S, Royal Arctic Line A/S, Nuna Minerals A/S, Nuna Oil A/S, Nunaatta Naqiterivia A/S, A/S Inissiaatileqatigiiffik INI, Greenland Resources

A/S, AIR Greenland A/S, Great Greenland A/S, Greenland Venture A/S, Grønlandshavnens Ejendomme A/S, GrønlandsBANKEN A/S, Sparbank Vest Grønland, Kalaallit Nunaanni Inuussutissarsiornermi Siunnersuisoqatigiit, KANUKOKA, Kalaallit Nunaanni Sulisitsisut Peqatigiiffiat, ILIK, NUSUKA, APK, PricewaterhouseCoopers Grønland A/S, Deloitte, Inuussutissarsiornermut, Nunalerinermut Sulisoqarnermullu Pisortaqarfik, Siulersuisut allattoqarfiat, Aalisarnermut Piniarnermullu Pisortaqarfik, Aningaasaqarnermut Pisortaqarfik, Ineqarnermut Attaveqarnermullu Pisortaqarfik, Aatsitassanut Ikummatissanullu Pisortaqarfik, Kalaallit Nunaanni Politimesteri kiisalu Kalaallit Nunaanni Rigsombudsmandi.

Tusarniaanermit akissutit ukunanga tiguneqarsimapput; Nuna Oil A/S, Greenland Venture A/S, AIR Greenland A/S, GrønlandsBANKEN A/S, TELE Greenland A/S, Inuussutissarsiornermut, Nunalerinermut Sulisoqarnermullu Pisortaqarfik, Aalisarnermut Piniarnermullu Pisortaqarfik, Ineqarnermut Attaveqarnermullu Pisortaqarfik, Aningaasaqarnermut Pisortaqarfik, Aatsitassanut Ikummatissanullu Pisortaqarfik, Siulersuisut allattoqarfiat, Kalaallit Nunaanni Sulisitsisut Peqatigiiffiat, Deloitte kiisalu Kalaallit Nunaanni Politimesteri aamma Kalaallit Nunaanni Rigsombudsmandi.

Inatsisissatut siunnersuummut siusinnerusukkut nassiunneqarsimasumut suliffeqarfiup oqaaseqaatai missingiusiamut nutaamut ilanngunneqarsimanerat Nunaoil A/S-ip naammagisimaarlugit oqaatigaa. Nunaoil A/S-illi qinnutigaa, inatsisissatut siunnersuummi imaluunniit inatsisissatut siunnersuutip nassuiaatitaani allanneqassasoq, aktieselskabit pillugit inatsimmi § 76 naapertorlugu Naalackersuisut suliffeqarfimmit paasissutissanik suugalualanilluunniit pissarsiniarsinnaaner at siunnersuutikkut allangortinneqanngitsoq, soorlutaaq Naalackersuisut pissarsiarisinnaanngisaannik paasissutissanik ataatsimiititaliat pissarsitinneqarsinnaaner at siunnersuutikkut pisinnaatinneqanngitsoq. Kaammattuut taanna akueralugu inatsimmut nassuiaatinut ilanngunneqarpoq.

Aningaasaqarnermut Ataatsimiititaliamut Kukkunersiuinermullu Ataatsimiititaliamut piginnaatitsinermik inatsisip tunniussinera Greenland Venture A/S-imit tunngaviatigut akerlerineqanngilaq, paasissutissanilli pissarsisinnaalerneq eqqarsarluartumik atorneqartassasoq kaammattuutigineqarluni. "Immikkuualuttut ilanngullugit naalackersuinermik suli allit aqutsinissaannut" siunnersuut ammaassisinnaasoq taamaalillunilu ilaatigut inuussutissarsiornerup siuarsaaffiginiarnerani nutaami siunertarineqartut paarlattuanik sunniuteqarsinnaasoq Greenland Venture A/S-imit aarleqqutigineqarpoq. Tamanna ungasinnerusoq eqqarsaatigalugu suliffeqarfiit ataasiakkaat aningaasaqarnikkut illersorneqarsinnaasumik ineriartornissaannut akornutaasinnaavoq. Tunngaviummik isigalugu matumani eqqartorneqartoq tassaavoq, illuatungaani Namminersornerullutik Oqartussat aningaasaataasa pissusissamisoornerpaamik atorneqartanerisa kinguneqarluartumik nakkutilliivigineqarnerisa qulakkeerneqarnissaasa illuatungaani nunanitsinni inuussutissarsiornerup naalackersuinermut attuumajunnaartinneqarlunilu akissarsiuataalernissaanik kissaateqarneq aallavigalugu ineriartortitsineq aqqutigalugu aningaasaqarnikkut

nunatta imminut napatinnerulernissaanut sinaakkutit pitsaanerpaat qulakkeernissaasa akornanni oqimaaqatigiisitsiniarneq.

Kukkunersuinermut Ataatsimiititaliap aktieselskabi Namminersornerullutik Oqartussanit tamakkiisumik ilaannakuusumilluunniit pigineqartoq pillugu Naalackersuisut aqutigalugit paasitinneqarsinnaanera suliffeqarfiup pigineqataaffigisinnaasaanut – taanna Namminersornerullutik Oqartussanit tamakkiisumik ilaannakuusumilluunniit pigineqaraluarpalluunniit – aamma atuuttuussasoq inatsisissamut missingiusiami allassimasoq Greenland Venture A/S-imit aallaavigineqarpoq. Suliffeqarfimmi pigineqataaffiusumi suliffeqarfik piginnittuusoq pigineqataaffiusumi taasisinnaanerit amerlanersaannik pigisaqartuussasoq Greenland Venture A/S-imit tunngavissaatinneqarpoq. Tamanna Greenland Venture A/S-imut ima pingaaruteqartigaaq, suliffeqarfiup taanna inatsisip oqaasertalerneqarneranut ilanngunneqassasoq takujumagaluarlugu.

Aktieselskabit Namminersornerullutik Oqartussanit tamakkiisumik ilaannakuusumilluunniit pigineqartut pillugit paasissutissanik Kukkunersuinermut Ataatsimiititaliap Naalackersuisut aqutigalugit pissarsisinnaanera inatsisissatut siunnersuummit tunniunneqartoq tunngavimmigut suliffeqarfimmut sumulluunniit atuuttussaavoq, suliffeqarfik taanna piginnittuugaluarpat imaluunniit pigineqataagaluarpat – pigineqataassutsip qanoq annertutiginera apeqqutaanani. Kukkunersuinernulli Ataatsimiititaliaq paasissutissanik – aktieselskabit pillugit inatsimmit suliffeqarfiullu maleruagassai aqutigalugit – Naalackersuisut pissarsiarissallugit periarfissaqarfigisimasaaannik taamaallaat pissarsisinnaavoq. Tamatuma piviusumik nassatarissavaa suliffeqarfinit Namminersornerullutik Oqartussanit tamakkiisumik ilaannakuusumilluunniit pigineqartunit, matumani suliffeqarfik pigineqataaffiusoq eqqartorneqarsimanngippat, paasissutissanik pissarsiniartoqarsinnaajunnaarneq; ima paasillugu, suliffeqarfimmi aktieselskabi Namminersornerullutik Oqartussanit pigineqartoq aalajangiisuusumik sunniuteqarfeqartillugu.

Siunnersuummi ilaatinneqarsinnaanani Air Greenland A/S isumaqarpoq. Taamaattumik siunnersuummut suliffeqarfik oqaaseqaateqanngilaq tikkuartuinnarluguli, aktieselskabit pillugit inatsimmit tunngavissinneqartumik periarfissat atorlugit suliffeqarfimmi aktiaatillip paasitinneqarsinnaanera taamaallaat pisinnaasoq aammalu Kalaallit Nunaanni Namminersornerullutik Oqartussat suliffeqarfimmi siulersuisunut ilaasortaataat suliffeqarfiup ingerlanneqarneranut aalajangiinernullu, siulersuisut ataatsimiinnerini aalajangiunneqartunut tunngatillugu nipangiusimannittussaataasut.

Air Greenland A/S-i siunnersuummi ilaasimanngitsoq paatsuuinermi peqquteqarsimassaaq. Paarlattuanik aktiaatillit Air Greenland A/S pillugu (Aktieselskabi Namminersornerullutik Oqartussanit ilaannakuusumik pigineqartoq) paasissutissinneqarsinnaaneq aktieselskabit pillugit inatsit naapertorlugu taamaallaat anguneqarsinnaavoq, suliffeqarfiulli ingerlanneqarneranut siulersuisuni ataatsimiinnerni aalajangiinerni aalajangiussanut tunngatillugu nunatsinni Namminersornerullutik Oqartussat suliffeqarfiit siulersuisuini ilaasortaataat nipangiusimasussaataapput.

Siunnersuut GrønlandsBANKEN A/S-ip taperserpaa. GrønlandsBANKEN-illi kaammattuutigaa suliffeqarfiit bursimut nalunaarsukkat piginnittunut paasissutissanik ingerlateqqiisarnermut periarfissaat killeqarmata inatsimmut nassuiaatini ajornangippallu inatsisip oqaasertaani ersarissarneqartariaqartut. (Kaammattuut assingusoq Kalaallit Nunaanni Sulisitsisut Peqatigiiffiannit Deloitte-miillu saqqummiunneqarpoq). Kaammattuut akueralugu inatsisimmut nassuiaatini ilanngunneqarpoq.

Tamatuma saniatigut Naalakkersuisut suliffeqarfiullu aqutsisuisa akornanni attaveqartarneq Naalakkersuisut siulersuisunullu siulittaasup taassumangaluunniit inuup siulersuisuneersup aqutsisuneersulluunniit akornanni aallaavittut isigalugu pisarnissaa allanneqarluni nassuiaatitut ilanngunneqartariaqarnissaa GrønlandsBANKEN-ip takujumagaluarpaa. (Kaamaattuutit assingusut TELE Greenland A/S-imit Deloitte-miillu saqqummiunneqarput). Kaammattuut taanna aamma akueralugu inatsimmut nassuiaatini ilanngunneqarpoq.

Siunnersuutaaqqaartumut suliffeqarfiup akerliliissutaasa ilai naaperiarneqarsimasut TELE Greenland A/S-ip oqaatigaa, aalajangiusimalluguli siulersuisut aqutsisullu akisussaanagerat Kukkunersiuinermut Ataatsimiititaliap misissuinerisa inerniliussaasalu innarlarsinnaagaat, misissuinerlu ataatsimeersuarnerup oqartussaaffiisa ataanni inissisimasasariaqartutut isigineqartariaqartoq.

Tamatuma saniatigut suliffeqarfiup ingerlanneqarnera suleqateqarneranilu pissutsit il. il. pillugit paasissutissanik isertuussanik pissarsiaqarsinnaasut amerlineqarnerisa nassatarisinnaagaat, paasissutissat susassaqqanngitsunit suliffeqarfimmut akornutaasumik pissarsiarineqarsinnaalernissaat nassatarineqarsinnaasooq TELE Greenland A/S-imit nalilerneqarpoq.

Akerliliinerit marluk taakku annertunerusumik akuerineqanngillat. Kukkunersiuinermut Ataatsimiititaliap siunnersuutigeqqaagaa qulaaniittoq pillugu tusarniaaneq pisimasooq pillugu nassuiaat innersuussutigineqarpoq.

Naggasiullugu aallaavittut isigalugu siulersuisunut ilaasortap (siulersuisut allat avaqqullugit) Naalakkersuisunut paasissutissanik ingerlatitseqqissinnaanerani pisussaaffeqartutut isumaqarfiginnineq suliffeqarfiup piginnittullu akornanni ersarluttumik attaveqartarnermik pilersitsisinnaasooq TELE Greenland A/S-ip oqaatigaa. Tamatumunnga siulersuisut piginnittumut attaveqartarnerat siumoortumik isumaqatigiissuteqarfigineratigut sillimaratarsinnaanertik qulakkeersinnaavaat. Oqaaseqaat taanna GrønlandsBANKEN A/S-imit oqaaseqaatit qulaaniittut naapertorlugit akuerineqarpoq.

Inuussutissarsiornermut, Nunalerinermut Suliffeqarnermullu Pisortaqarfik siunnersuutip imarisaanut oqaaseqaatissaqanngilaq. Inatsimmut nassuiaatit eqqarsaatigalugit pisortaqarfiup maluginiaqquaa, aktieselskabit aaqqissuunneqarnerannut allannguutissatut siunnersuut (inatsisissatut missingiusiamut tusarniaanermi nassuiaatini allanneqartutut) 2006-imi upernaakkut ataatsimiinnermi suliarineqarnissaa naatsorsuutigineqarsinnaanngitsoq tamannali siusinnerpaamik 2006-imi ukiakkut ataatsimiinnermi pisinnaasooq.

Paasissutissanut Naalakkersuisut pissarsiarisinnaasaannut Kukkunersiuiner
Ataatsimiititaliap tamakkiisumik pissarsisinnaasariaqartoq Aalisarnermut
Piniarnermullu Pisorta qarfiup isumaqatigalugu nalunaarutigaa.

Aningaasalersuinissamut qularnaveeqqusiinissanullu atatillugu Aningaasaqarnermut
Ataatsimiititaliap paasissutissanik pissarsisinnaanera eqqarsaatigalugu Pisorta qarfiup
oqaatigaa, suliffeqarfinnik pisinermi tunisinermilu pisariaqartumik peqqissaarnermut
atatillugu imaluunniit suliffeqarfiit akiliisinnaassusaasa aningaaserivinnit
misissuiffiqineqarneranni suliffeqarfiup paasissutissaataanut, aktieselskabit pillugit
inatsisip pisinnaatitsineranit annertunerusut pissarsiarineqakkajuttartut.
Taamaattumik aningaasalersuinissamut qularnaveeqqusiinissanullu atatillugu
Namminersornerullutik Oqartussat aktieselskabit pillugit inatsimmit
killilerneqartariaqanngitsut, nalilersuinissamullu tunngavissanik
pissarsiniartariaqartut, aningaasaatinillu aqutsisumit akissarsiortuusumit
pissarsiniarnissaq pissusissamisussasoq Pisorta qarfik isumaqarpoq.

Aningaasalersuinissamut qularnaveeqqusiinissanullu atatillugu Aningaasaqarnermut
Ataatsimiititaliap paasissutissanik pissarsisinnaanera siunnersuummit
killiliivigineqassasoq sukkulluunniit siunertaanngilaq. Ataatsimiititaliap
siunnersuutip § 16 a-p nassuarneqarneranut naapertuuttumik ataatsimiititaliap
siunnersuummik qinnuteqaammilluunniit suliarinninni, paasissutissat
ataatsimiititaliamit pisariaqartut isigineqartut pissarsiarineqarnissaasa tunngaannut
unitsikkallarsinnaavaa. Aningaasalersuiumasut qularnaneeqqusiiumasulluunniit allat
kikkulluunniit periarfissaasa assinginik periarfissap taassuma nunatsinni
Namminersornerullutik Oqartussat periarfissippai; -pissarsisinnaaneq aktiaatillip
aktieselskabit pillugit inatsimmut naapertuuttumik paasissutissinneqarsinnaanerani
pisuni amerlasuuni annertunerusinnaasoq.

Siunnersuut Namminersornerullutik Oqartussat aktiaatilillut soqutigisaasa
isumagineqarnerinut (aktiaatit naleqassusiisa annertusineqarnissaannik
soqutiginnertut paasineqarsinnaasumik) taamaallaat
annertusineqartariaqanngitsaq kisiannili aamma suliffeqarfiit Namminersornerullutik
Oqartussanit pigineqartut ingerlassaannut soqutigisanullu allanut aamma
ilaatinneqartariaqartoq Pisorta qarfik isumaqarpoq. Taamaalluni paasissutissanik,
suliffeqarfiit Namminersornerullutik Oqartussanit pigineqartut kalaallinut
inuaqatigiinnut inuussutissarsiornerannullu tunngasunik, assersuutigalugu
suliffeqarfiit aalisarnermik ingerlataqartut piginnittui assigiinngiaartut pillugit
paasissutissanik Namminersornerullutik Oqartussat pissarsisinnaanerani siunertamut
iluqaataassasoq Pisorta qarfik isumaqarpoq. Paasissutissat taama ittut
inuussutissarsiornerup siuarsarniarnerani suliniutissat ilusilersorneqarnerannut
pingaaruteqarsinnaapput. Taamaattumik suliffeqarfiit Namminersornerullutik
Oqartussanit pigineqartut Kalaallit Nunaanni inuussutissarsiornermut,
tunisassiassanik inaarneqanngitsumik tunisassianillu tigooraasuullunilu
ingerlatitseqqittartuusumut, sunniutaat ersersinneqarsinnaassappat
iluqaataasinnaavoq. Inuussutissarsiornerup aaqqissugaaneratigut paasiuminaatsukkut
avataaniik aningaasaliiumasut pileritsatsinnissaannut Kalaallit Nunaata periarfissai
annikitsuummata taama oqaaseqaateqarneq isigineqassaaq. suleqatigiissitaq
ajornartorsiuteqarfik taanna pillugu isumaliutersuuteqarnissamut

pissusissaqarsorisimanngilaq, suleqatigiissitamut suliakkiissutip avataaniittutut nalilerneqarmat.

Naggasiutitut Kukkunersiuiinermut Ataatsimiititaliami Aningaasaqarnermullu Ataatsimiititaliami ilaasortat il. il. paasissutissanik isertuussisumik tunniussanik isertuussisussaaneermik pisussaaffeqarneranni suut ersarissumik pineqarneri erseqqissarneqartariaqartut Pisortaqarfik isumaqarpoq. Assersuutigalugu ataatsimiititaliap avataatigut eqqartueqatigiinneq matoqqasumik ingerlanneqarsimappat, paasissutissat isertuussassat inuit kikkut peqatigalugit oqaluuserineqarsinnaanersut allassimasariaqarpoq. Kaammattuut taanna akueralugu siunnersuummut nassuiaatini ilanngunneqarpoq.

Kalaallit Nunaanni Sulisitsut Peqatigiiffiata Namminersornerullutiik Oqartussat aningaasaataasa atorneqarnerat annertunerusumik nakkutilliivigineqalersussaammat pingaarnertut ilassilluarpa. Ilutigisaanilli nakkutilliinerup annertusineqarnerata taassuma suliffeqarfanni ataasiakkaani pissutsit naalakkersuinikkut akuleruffigineqartalerannik nassataqarsinnaanera Kalaallit Nunaanni Sulisitsut Peqatigiiffiata aarleqqutigigini erseqqissaatigaa. Tamatuma aktieselskabit pineqartut akornusiivigiinnarnaviannilai (taamaalillunilu inuiaqatigiit naliliutaat) aammali Kalaallit Nunaanni annaasaqaataasinnaasumik aningaasaliissuteqarumanermi periarfissat. Nakkutilliinermut tassunga aningaasarsiutigalugu kukkunersiuisartumik killilimmik atuinikkut ajornartorsiut taanna iluarsiiiffigineqarsinnaasoq Kalaallit Nunaanni Sulisitsut Peqatigiiffiata tikkuarpa.

Kukkunersiuiilluni nakkutilliinermut Kalaallit Nunaanni Inatsisartut ataanni sumulluunniit attuumassuteqanngitsumik kukkunersiuisoqarfimmik pilersitsinissaq Inatsisartut aningaasaqarnikkut killiliussaasa piusut iluini pisinnaanngilaq, Inatsisartullumi taama aaqqissuussisoqarnissanut soqutiginninnertik manna tikillugu oqaatigisimanngilaat. Inatsisartulli Kukkunersiuiinermut Ataatsimiititaliaat killilimmik annertussusilimmik aningaasarsiutigalugu kukkunersiuisunit ikiorserneqartarpoq, Naalakkersuisullu Namminersornerullutik Oqartussat aktiaatilittut soqutigisaannik isumaginninnerannut atatillugu tamanna aamma pissuserineqartoq naatsorsuutigineqartariaqarpoq.

Kiisalu assersuutigalugu suliffeqarfiit bursimi nalunaarsukkat pillugit ilisimasallinnut piumasaqaatit taakkulu paasissutissanik ingerlatitseqqiisinnaanerannut killilimmik periarfissaat ersarissarneqassasut Kalaallit Nunaanni Sulisitsut Peqatigiiffiata amigaataanerarpai. Kaammattuut taanna GrønlandsBANKEN-ip tusarniaanermut akissutaa qulaaniittoq naapertorlugu akuerineqarpoq.

Taamatuttaaq suliffeqarfiit bursimut nalunaarsorneqarsimasut, nunatsinni Namminersornerullutik Oqartussat ilaannakuusumik piginnittutut soqutigisaqarfigisinnaasaat pillugit maleruagassat erseqqissarneqartariaqartut Deloitte-p kaammattuutigaa. Taamaalilluni suliffeqarfiit bursimut nalunaarsukkat paasissutissanik, tamanit ilisimaneqanngitsunik, aktiaatilimmut ataasiusumut taamatullu siulersuisuni ilaasortamut Namminersornerullutik Oqartussanit toqqarneqarsimasumut atuuttumik ingerlatitseqqiisinnaanerat periarfissaassanngilaq.

Kaammattuut taanna GrønlandsBANKEN-ip tusarniaanermut akissutaa qulaaniittoq naapertorlugu akuerineqarpoq.

Kukkunersiuinermut Ataatsimiititaliap aktieselskabi pillugu apeqquteqaatai siunnersuut malillugu Naalackersuisut aqutigalugit pisassaaq. Allatut oqaatigalugu Naalackersuisut tassaassapput suliffeqarfinnut toqqaannartumik attaveqartuusut. Tamanna pissusissamisoortuusooq Deloitte isumaqarpoq kaammattuutigaluguli Naalackersuisut suliffeqarfiillu pineqartut siulersuisuisa akornanni attaveqartarnermi aqutit ersarissut paatsuugassaangitsullu isumaqatigiissutigineqassasut. Piginnittut siulersuisullu akornanni ingerlaavartumik oqaloqatigiittarnerit siulersuisut siulittaasuut aqutigalugu ingerlanneqartassasooq, taassumalu siulersuisunut ilaasortat sinneri ilisimatittassagai Deloitte-mit isumaqarfigineqarpoq. Siulersuisuni ilaasortat ataasiakkaat piginnittumut toqqaannartumik saaffiginnissinnaanermik piginnaatinneqarnissaat inassutiginaangilaq, tamatumami isertuussisussaataitaneq siulersuisunut ilaasortaanerup ilagisaa akornusiiffigilluarsinnaammagu. Deloitte-p oqaaseqaatai, qulaani GrønlandsBANKEN-ip TELE Greenland A/S-illu oqaaseqaataat naapertorlugit inatsisissatut siunnersuummut nassuiaatinut ilanngunneqarput.

Inuussutissarsiutit inatsisiliorfigineqarnerat Namminersornerullutik Oqartussat oqartussaaffigimmassuk Rigombud-eqarfillu Namminersornerullutik Oqartussat inatsisiliorneranni inatsisititut akerliujunnaarsitsinissaannut nakkutilliinermi peqataanissamat periarfissaqanngimmat inatsisissatut siunnersuummut Rigsombud-eqarfik oqaaseqaatissaqanngitsoq Kalaallit Nunaanni Rigsombudsmand-ip nalunaarutigaa.

Ineqarnermut Attaveqarnermullu Pisortaqarfik, Aningaasaqarnermut Pisortaqarfik, Aatsitassanut Ikummatissanullu Pisortaqarfik, Siulersuisut allattoqarfiat kiisalu Kalaallit Nunaanni Politimesteri siunnersuummut oqaaseqaatissaqanngillat.

5. Aningaasaqarnikkut aqutsinikkullu kingunerisassat

Siunnersuutip aningaasaqarniarnikkut aqutsinikkullu kingunerisassaanut Aningaasaqarnermut Ataatsimiititaliap taamatullu Kukkunersiuinermut Ataatsimiititaliap paasissutissanik pissarsiniarsinnaanermut periarfissamik qanoq annertutigisumik atuinissaat apeqqutaajumaarpoq.

Kukkunersiuinermut Ataatsimiititaliap misissuinermit ingerlatsineranut, tassungalu ilanngullugu ingerlatsinermit kukkunersiuinermut, aningaasartuutit Inatsisartunut aningaasaliissutitut konto aqutigalugu akilerneqartassapput. Misissuinerit taamaattut aallartinneqarnissaannut Inatsisartut Kukkunersiuinermut Ataatsimiititaliaat aalajangiisassaaq. Aalajangiineq Inatsisartut tamakkiisumik missingersuutaasa iluini pisassaaq, taamaammallu tamassuma aallartinneqarnissaa misissuinissap qanoq annertutiginnissaa apeqqutaatillugu Suleriaaseq pillugu Inatsisartut Ataatsimiititaliaannit akuerineqartussaalluni.

Ingerlatsinermit kukkunersiuinermut il.il. atatillugu Kukkunersiuinermut Ataatsimiititaliap avataanit ikiorteqarnissaanut aningaasanik atugassanik

aningaasanut inatsisissatut siunnersuutip akuersissutigineqarneranut atatillugu Inatsisartunut aningaasaliissutitut kontoni aningaasaliissuteqartoqassaaq. Aningaasaliussattaq Namminersornerullutik Oqartussat tamakkiisumik ilaannakuusumilluunniit aktieselskabiutaasa misissuiffigineqarnerannut atatillugu ikiorteqarnermut matussutissatut atorneqartassapput. Ilassutitut aningaasaliissuteqarfigineqarsinnaanermut periarfissat eqqarsaatigalugit § 1, nr. 2-mut tunngatillugu oqaaseqaatit innersuussutigineqassapput.

Aammattaaq aningaasaliinernut qularnaveeqqusiinermulluunniit apeqqutinik ataatsimiititaliap suliaqarneranut atatillugu aktieselskabinik Namminersornerullutik Oqartussanit tamakkiisumik ilaannakuusumilluunniit pigineqartunik Aningaasaqarnermut Ataatsimiititaliap misissuiffiginnaannaneranut atatillugu ataatsimiititaliap pisariaqarneratut annertussusilimmik avataaneersunik ikiortissarsiorsinnaavoq. Tamannattaaq Inatsisartut tamakkiisumik missingersuutaasa iluini pissaaq, taamaammallu tamassuma aallartinneqarnissaa annertussuseq apeqqutaatillugu Suleriaaseq pillugu Inatsisartut Ataatsimiititaliaannit akuersissutigineqartussaavoq.

Naalakkersuisut aqputigalugit ataatsimiititaliat susassaqartut paasissutissanik pissarsiniartarnerat Naalakkersuisut aqutsisoqarfianni suliakkersuineramik siunnersuut kinguneqassaaq.

Namminersornerullutik Oqartussat aktiaatilitut soqutigisaannik Naalakkersuisut isumaginninnerannik inatsisartutigortumik nakkutilliineq soqutigisat taakku uummarinnerusumik ingerlanneqarnissaannut siuarsaaqataassasoq naatsorsuutigineqarsinnaavoq. Taamaalilluni siunnersuut Naalakkersuisut allattoqarfianni sulisoqarnikkut annertusaasoqarnissaanik pisariaqartitsilersinnaavoq.

Illuatungaatigulli Namminersornerullutik Oqartussat aktiaatilitut soqutigisaasa isumagineqarnerannik patajaallisaaneq Namminersornerullutik Oqartussat akatieselskabini aningaasaliissutaasa nalinginut pitsaasumik kinguneqarnissaa naatsorsuutigineqarsinnaavoq.

Aktieselskabinut tunngatillugu Inatsisartut Kukkunersuineranut Ataatsimiititaliaannit aamma Inatsisartut Aningaasaqarnermut Ataatsimiititaliaannit apeqqutigineqartut akissuteqarfigineqarnissaat eqqarsaatigalugu siunnersuut sulisoqarnikkut annertusaasoqarnissaanik kinguneqassaaq. Taamatut annertusisitsinerup erseqqinnerusumik annertussusissaanut apeqqutaassaaq ataatsimiititaliat pineqartut apeqquteqarnissamut periarfissaminnik qanoq annertutigisumik atuinersut. Paarlattuanik Namminersornerullutik Oqartussat aktiaatilitut soqutigisaannik Naalakkersuisut ingerlatsinerannik nakkutilliinerup annertusineqarnera ingerlatseqatigiiffimmi ingerlatsinerup pitsannorsarniarneqarnissaanut kajumissaaqataasinnaavoq.

Siunnersuutip aalajangersagartaanut ataasiakkaanut nassuiaatit

§ 1-imut

Nr. 1-imut

Aktieselskabit Namminersornerullutik Oqartussanit tamakkiisumik ilaannakuusumilluunniit pigineqartut pillugit paasissutissanik, Naalackersuisut ilassutitut aningaasaliissuteqarnissamik qinnuteqaataannik aktieselskabinullu taamaattunut aningaasaliissuteqarnissamik qularnaveeqqusiinissamilluunniit siunnersuutaannik ataatsimiititaliap suliarinninnerani atugassanik pissarsiniarnissamik Inatsisartut Aningaasaqarnermut Ataatsimiititaliaata Naalackersuisunut peqqusisinnaanera aalajangersakkakut periarfissinneqarpoq. Taamaaliornerup siunertarissavaa aningaasaleeqataassutip qularnaveeqqusiinerulluunniit naapertuuttuneranik Aningaasaqarnermut Ataatsimiititaliap tamakkiisumik tunngavissaqarluni naliliisinnaanissaata qulakkeernissaa.

„Paasissutissanik” oqarnek siamasissumik paasineqassaaq. Taamaalilluni ataatsimiititaliap suliarinninnerani atortussat suulluunniit, ilanngussat nalunaarutillu il.il. pisariaqartutut isigineqartut pissarsiareqqullugit ataatsimiititaliap Naalackersuisut peqqusinnaavai.

Taakku assersuutigalugu tassaasinnaapput ukiumoortumik naatsorsuutit suliffeqarfissuup naatsorsuutaanik, piffissap ilaanut naatsorsuutinik naatsorsuutillu immikkuualuttortaannik kiisalu naatsorsuutitut attuumassuteqartunik atortussanik ilaqartinneqarsinnaasut, taakkunungalugu ilaapput naatsorsuutitut inissitsiterinermi atorineqarsimasut, pisortaasut nalunaarsuutaat atortullu assingusut, kukkunersiuisut nalunaarsuutaat nalunaarusiaallu il.il. kiisalu atortussat paasissutissallu allat ataatsimiititaliap isummernissaanut pingaaruteqartutut Aningaasaqarnermut Ataatsimiititaliamit nalilerneqartut.

Aktieselskabini Namminersornerullutik Oqartussat kisimiillutik aktiaateqarfigisaannisuulli aktieselskabinit Namminersornerullutik Oqartussanit tamakkiisuunngitsumik pigineqartunit Naalackersuisut atortussanik piunasaqarsinnaanermut paasissutissanillu pissarsiniarsinnaanermut killeqanngitsumik periarfissaqanngillat. Taamaakkaluartoq paasissutissatut kissaatigineqartut pissarsiarineqarnissaat siunertaralugu Naalackersuisut aktiaatilinni sinniisuutitaqartutut periarfissaminnik sunilluunniit atueqqullugit ataatsimiititaliamit peqquneqarsinnaapput.

Aktiaatilinni sinniisuutitaqartutut Naalackersuisut paasissutissanik piniarnissamut periarfissaqarnerat ilaatigut aktieselskabit pillugit inatsisikkut, ilaatigullu ingerlatseqatigiiffiup malittarisassaasigut aalajangersaavigineqarsimavoq.

Immikkut taaneqarsinnaavoq aktiaatillip aktieselskabit pillugit inatsisip § 76-ia naapertorlugu ingerlatseqatigiiffiup ataatsimeersuarnerani ingerlatseqatigiiffimmut pissutsit pillugit paasissutissanik piniarsinnaanera. Taamaaliorinnaanermulli tunngavissaatitaavoq paasissutissat pineqartut siulersuisut naliliinerat malillugu

ingerlatseqatigiiffimmit aktiaatilinnut tunniunneqarsinnaammata, taamaaliorneq ingerlatseqatigiiffimmut annertuumik ajoqusiisuussanngippat.

Tamatuma saniatigut aktieselskabit pillugit inatsimmi § 71 naapertorlugu aktiaatilik ataatsimeersuarnermi oqaluuserisassamik suliasanngortitsisinnaavoq, kiisalu aktieselskabinut inatsimmi § 86 naapertorlugu qulaajaatitsisinnaalluni.

Paasissutissanilli pissarsiarineqartussatut kissaatigineqartunik pissarsiniarlutik Naalakkersuisut taamatut alloriarnissaat pisariaqarnaviarunannigilaq, tak. ataaniittut.

Siunnersuummi § 16 a, imm. 2-mik oqaasertaliineq naapertorlugu siunnersuummik imaluunniit aningaasaleeqataanissamik qularnaveeqqusiinissamilluunniit qinnuteqaammik, paasissutissat kissaatigineqartut pissarsiarineqarnissaasa tungaanut, Aningaasaqarnermut Ataatsimiititaliap suliarinninnini unitsikkallarsinnaavaa.

Inatsisartut ataatsimiititaliaasa sinneri assigalugit Inatsisartut Aningaasaqarnermut Ataatsimiititaliaat siunnersuutitut ataatsimiititaliamut suliarineqartussanngortitanut (tak. Inatsisartut Suleriaasianni § 17, imm. 1, oqaaseqatigiit aappaat) tunngatillugu isumaliutissiissusiortussaataavoq. Siunnersuummik Inatsisartunit ataatsimiititaliamut suliarineqartussanngortitamik Inatsisartut suliarinninnerat ataatsimiititaliaq isumaliutissiissummik tunniussererserlugu unitsinneqarallartalarpoq, Inatsisartulli Siulittaasoqarfiata isumagisassaraa ataatsimiititaliat sulinerat illersorneqarsinnaasumik piareersaasiorneqarlunilu ingerlanneqassasoq. Taamaalilluni Siulittaasoqarfiup alaatsinaatassaraa isumaliutissiissusiorterup pisariaqanngitsumik kinguarsarneqannginnissaa.

Ataatsimiititaliarli isumaliutissiissusiorterumik kinguartitsinissamik saaffiginnissuteqaraangat, tamanna suliamut tunngatillugu tunngavilersugaangaangat, Siulittaasoqarfik nalinginnaasumik akuersisarpoq. Taamaammat siunnersuummut suugaluartumilluunniit Inatsisartut ataatsimiititaliaat sorlerluunniit, aalajangiinissamut tunngavissaq tamakkiisoq pissarsiarineqarserlugu, isummernissaminik kinguartitsinissamut nalinginnaasumik periarfissaqassaaq.

Aningaasaliissuteqarnissamik qinnuteqaatinik aktieselskabinulluunniit Namminersornerullutik Oqartussanit pigineqartunut aningaasaliissuteqarnissamik qularnaveeqqusiinissamilluunniit siunnersuutitik Aningaasaqarnermut Ataatsimiititaliap suliarinninnissaanut tunngatillugu periarfissap taassuma erseqqissumik aalajangiunneqarnissaa toqqarneqarsimavoq. Taamalillunissaaq tamatuma ataatsimiititaliamit atorneqarnissaata pissusissamisoorluinnarnera erseqqissarneqarpoq. Aalajangiinissamut tunngavigisassap tamakkiisunngornissaa pitinnagu ataatsimiititaliaq isummipallanissaminik tatineqartariaqanngilaq. Ingerlatseqatigiiffik pineqartoq paasissutissanik, qinnuteqaammik illersorneqarsinnaasumik suliarinninnissamut periarfissiisusunik, tunniussitinnagu Inatsisartut Inatsisartulluunniit Aningaasaqarnermut Ataatsimiititaliaata aningaasaleeqataassutissanik qularnaveeqqusiinissamilluunniit akuersissuteqarnissaat ingerlatseqatigiiffiup Namminersornerullutik Oqartussanit tamakkiisumik ilaannakuusumilluunniit pigineqartup naatsorsuutigisinnaanngilaa.

Aamma tamatuma assinganik qinnuteqaammut siunnersuummulluunniit isummersinnaajumalluni paasissutissanik, ataatsimiititaliamit pingaarutilittut isigineqartunik pissarsisoqarsinnaasimangippat qinnuteqaammik itigartitsinissamut siunnersuummulluunniit atorunnaarsitsinissamut ataatsimiititaliaq soorunami periarfissaqartussaavoq. Aalajangiinissamut tunngavissatut pigineqartoq illersorneqarsinnaasutut ataatsimiititaliap isiginngippagu periarfissaq taanna aallaavittut isigalugu atorneqartariaqarpoq. Tamanna ataatsimiititaliap paasissutissanik kissaataanik aktieselskabip pineqartup malinninnissaanik soorunami annertuumik kaammattuissutaasussaavoq.

Akerlianik paasissutissat mianernartut ingerlatseqatigiiffiup unammillersinnaassusianut pingaarutilit siammarterneqannginnissaannik, taamaalillunilu ingerlatseqatigiiffiup unammillertaanit niueqatigisartagaanilluunniit pissarsiarineqannginnissaannik aktieselskabi Namminersorerullutik Oqartussanit tamakkiisumik ilaannakuusumilluunniit pigineqartoq pissutissaqartumik soqutigisaqarpoq. Taamaammat siunnersuutigineqarpoq Aningaasaqarnermut Ataatsimiititaliaq taassumalu ilaasortarisai ataasiakkaat atorfilittallu, paasissutissat isertuussassatut tunniunneqarsimappata, paasissutissanut pissarsiarineqartunut tunngatillugu nipangiusimannittussaataaassasut.

Nipangiusimannittussaananermik aammalu taassuminnga unioqqutitsinerup imaannaangitsutut isigineqarneranik ataatsimiititaliami ilaasortat eqqumaffiginninnissaat qulakkeerniarlugu ataatsimiititaliami ilaasortat nipangiusimannittussaananermik malinninnissaq uppersarsarlugu ataatsimiititaliamut ilanngunnerminni atsiortarnissaat aalajangersarneqarpoq.

Ataatsimiititaliap aningaasaliissutissatut qinnuteqaatinik suliarinninneranut atatillugu nipangiusimannittussaataanerup kingunerissavaa paasissutissat isertuussassatut ataatsimiititaliamit pissarsiarineqartut ataatsimiititaliap aalajangiinnermini immikkut innersuussutigisassanngikkai.

Inatsisissatut siunnersuutitut aningaasaliissutissatulluunniit qinnuteqaatinut, Namminersorerullutik Oqartussat missingersuutaat pillugit Inatsisartut inatsisaanni § 25, imm. 2 naapertorlugu Inatsisartunit suliarineqartussanngortitanut, Aningaasaqarnermut Ataatsimiititaliap Inatsisartunut tamarmiusunut inassuteqaataanut tunngatillugu paasissutissanut isertuussanut ataatsimiititaliamit pissarsiarineqarsimasunut Aningaasaqarnermut Ataatsimiititaliaq aamma nipangiusimannittussaataaavoq. Tamanna aamma Inatsisartut sinnerinut tunngatillugu atuutissaaq. Tamatumali pingaarutaa minnerulinngilaq, Naalakkersuisummi akisussaananerannut Inatsisartut inatsisaanni § 6, imm. 2 naapertorlugu suliap pineqartup Inatsisartunit nalilernerqarnissaanut paasissutissat pingaarutilit suugaluartulluunniit Inatsisartunut tunniutissallugit Naalakkersuisut pisussaammata.

Paasissutissat pingaarutilit mianernartulli illersorneqarnissaat Naalakkersuisut kissaatigippassuk Inatsisartut inatsisaanni § 12-mi oqaaseqatigiit aappaat naapertorlugu matoqqasumik suliarinnittoqarnissaanik Naalakkersuisut taamaalillutik siunnersuuteqartariaqassapput. Pisuni taamaattuni paasissutissanik

Naalakkersuisut Inatsisartunut tamarmiusunut tunniuteriigaannik Aningaasaqarnermut Ataatsimiititaliaq isumaliutissiissummini soorunami innersuussiinnarsinnaallunilu issuaasinnaavoq. Ataatsimiititalialli isumaliutissiissutaa (Naalakkersusunut kiisalu) Inatsisartut ilaasortaannut, pinerluttulerinermik inatsimmut akisussaallutik taassuminnga avammut saqqummiussinatik pissuseqartussaataitasunut taamaallaat agguaanneqassaaq.

Naalakkersuisulli paasissutissanik pingaaruteqarsinnaasunik mianernarsinnaasunilli aningaasaleeqataanissamik qularnaveeqqusiinissamilluunniit apeqqummik aningaasanut inatsimmik akuersissutiginninnerup kingornanut kinguartitsinermikkut Inatsisartut tamarmiusut ilisimasaqalersinneqarnissaannik pinngitsuuisinnaanaviangillat. Tamanna Namminersornerullutik Oqartussat missingersuutaat pillugit Inatsisartut inatsisaata § 28, imm. 2-anik tunngaveqarpoq, taannami tunngavigalugu aningaasaliissutissanik nutaanik allanngortitanilluunniit qinnuteqaat iliuitsinik aningaasanut inatsisip suliarineqarnerani siumut naatsorsuutigineqarsinnaasimangitsunik taamaallaat imaqartussaammat.

Nr. 2-mut

Namminersornerullutik Oqartussat aktiaatilitut soqutigisaannik Naalakkersuisut isumaginnittuunerannik nakkutilliineq ilanngullugu Inatsisartut Kukkunersiuinermut Ataatsimiititaliaata oqartussaaffia aalajangersakkakkut annertusineqarpoq.

Taamatut nakkutilliinerminut ilanngullugu ingerlatseqatigiiffiup pineqartup ingerlatsivigineqarnerani aningaasaqarnikkut innimigisassat Naalakkersuisunit naammattumik qulakkeerniarneqarsimanersut ataatsimiititaliap naliliiffigisinnaavaa (ingerlatsinermik kukkunersiuineq). Tamanna siunnersuummi § 17 a, imm. 2-mik oqaasertaliinermi aalajangersarneqarpoq. Ingerlatseqatigiiffiup ingerlatsivigineqarnerani aningaasaqarnikkut innimigisassat naammattumik qulakkeerinniffigineqarsimanerannik apeqqut ingerlatseqatigiiffiup tunisassiorsinnaassusianut naammassisaqarsinnaassusianullu minnerunngitsumik tunngassuteqarpoq.

Oqaasertaliussarli „Aktieselskabit Namminersornerullutik Oqartussanit tamakkiisumik ilaannakuusumilluunniit pigineqartut *ingerlatsivigineqarneranni* aningaasaqarnikkut innimigisassanik Naalakkersuisut naleqquttumik qulakkeerinninniarsimanersut ataatsimiititaliap imm. 1 naapertorlugu nakkutilliinerminut ilaatillugu nalilersorsinnaavaa" (§ 17 a, imm. 2) uungaannaq isigaluni paasineqassanngilaq. Taamaalilluni iliuitsinut ingerlatseqatigiiffiup ingerlatsinerinnaanut sammitinneqarsinnaanngitsunut, tassunga ilanngullugu assersuutigalugu namminersortunngorsaanissap piareersaasioqarneranut ingerlatanilluunniit avisaartitsinermut atatillugu aningaasaqarnikkut innimigisassanik Naalakkersuisut naleqquttumik qulakkeerinninniarsimanerannik naliliinissamut Kukkunersiuinermut Ataatsimiititaliap matunneqarnissaa siunertarineqanngilaq. Taamaattorli pisuni taama ittorpiani ingerlatsinermik kukkunersiuinissap aallartinnissaata tunuarsimaarfigineqarnissaanut pissutissaqartoqarsinnaavoq, taamatummi iliuseqarnikkut

namminersortunngorsaaniarnerup ingerlatanilluunniit avissaartitsiniarnerup pitsaanngitsumik sunnerneqarnissaa aarleqqutigineqarsinnaammat.

Aktieselskabini Namminersornerullutik Oqartussanit tamakkiisumik ilaannakuusumilluunniit pigineqartuni Kalaallit Nunaanni Namminersornerullutik Oqartussat aktiaatilittut soqutigisaannik ataatsimiititaliap nakkutilliinermini atugassatut paasissutissanik erseqqinnerusumik nalunaakkanik pissarsiniarnissamik Naalakkersuisut peqqusinnaavai.

"Paasissutissanik" oqarneq siamasissumik paasineqassaaq. Taamaalilluni ataatsimiititaliap suliarinninnerani atortussat suulluunniit, ilanngussat nalunaarutillu il.il. pisariaqartutut isigineqartut pissarsiareqqullugit ataatsimiititaliap Naalakkersuisut peqqusinnaavai

Taakku tassaasinnaapput ukiumoortumik naatsorsuutit suliffeqarfissuup naatsorsuutigisimasinnaasaanik, piffissamut tamakkiisuunngitsumillu naatsorsuutini kiisalu naatsorsuutininut atortussanik naapertuuttunik, tassungalu ilanngullugu naatsorsuusiornermut atortussanik, qullersaasut allattugaataanik atortussanillu taakkununga assingusunik, kukkunersuiusullu allattugaanik nalunaarusiaanillu il.il. kiisalu atortussanik paasissutissanillu allanik, Kukkunersuiunermut Ataatsimiititaliap naliliinera malillugu ataatsimiititaliap nakkutilliisutut atuunneranut pingaarutilinnik imaqartut.

Namminersornerullutik Oqartussat aktiaatilittut soqutigisaannik nakkutilliinermini atugassatut paasissutissanik kissaatigineqartunik, Naalakkersuisut Namminersornerullutik Oqartussat aktiaateqarneranni sinniisutut pigisaaannik, periarfissaasinnaasut tamaasa atorlugit pissarsiniarnissamut Naalakkersuisut ataatsimiititaliamit peqquneqarsinnaapput. Paasissutissanik piniarnissamut Naalakkersuisut qanoq periarfissaqartitaanersut ilaatigut aktieselskabit pillugit inatsisikkut, ilaatigullu ingerlatseqatigiiffiup maleruagassaasigut aalajangersaavigineqarsimavoq.

Aktieselskabit pillugit inatsimmi § 76 naapertorlugu ingerlatseqatigiiffimmut tunngassutillit pillugit ingerlatseqatigiiffiup ataatsimeersuarneranut atatillugu paasissutissanik aktiaatillip pissarsiniarsinnaatitaanera immikkut erseqqissaatigineqarsinnaavoq. Siulersuisut naliliinerat malillugu taamatut pisinnaatitaaneq paasissutissat pineqartut ingerlatseqatigiiffimmut annertuumik ajoqusiisuussanngippata, ingerlatseqatigiiffimmi aktiaatilinnut aatsaat atuussinnaavoq.

Tamatuma saniatigut aktieselskabit pillugit inatsimmi § 71 naapertorlugu aktiaatilik ataatsimeersuarnermi oqaluuserisassamik suliasanngortitsisinnaavoq, kiisalu aktieselskabinut inatsimmi § 86 naapertorlugu qulaajaatitsisinnaalluni.

Ingerlatseqatigiiffimmi pineqartumi aktiaateqartunit allanit Namminersornerullutik Oqartussat pitsaaneruseq atugassaqartinneqartariaqanngillat. Tamatuma kingunerisaanik paasissutissat Kukkunersuiunermut Ataatsimiititaliap

Naalackersuisut aqcutigalugit pissarsiarisai aktiaateqarsinnaasunut allanut aamma ingerlateqqinneqartariaqarput.

Ingerlatseqatigiiffinnut bursimi nalunaarsugaasunut tunngatillugu paasissutissat fondbursimi maleruagassat ataqqillugit soorunami piniarneqartussaapput. Tamatumangga nassatarineqassaaq (Pappialanik aningaasanik nalilinnik nioqquteqarneq il. il. pillugit inatsisip Kalaallit Nunaannut atuuttup § 36-ia naapertorlugu) tassannga paasissutissanik siusinnerusukkut tamanut saqqummiunneqarsimangitsunik pissarsiniarsinnaannginneq. Matumangali sunniut annikinnerusussaavoq, tassa suliffeqarfimmut tunngasut pissutsit pingaarutillit, pappialat nalillit niuerutigineqarnerisa naliliiffigineqartarnerannut sunniuteqarsinnaanerat ilimagineqarsinnaammat, suliffeqarfiup bursimut nalunaarsukkap piaarnerpaamik tamanut saqqummiunneqarnissaat pisussaaffigimmagu (tak. Pappialanik aningaasanik nalilinnik nioqquteqarneq il. il. pillugit inatsisip Kalaallit Nunaannut atuuttup § 27-a). Matumani suliffeqarfiup piffissakkaartumik naatsorsuutigoortumik paasissutissanik tamanut saqqummiussisussaananermik pisussaaffeqarnera ilaavoq.

Tamanna aktieselskabit pillugit inatsisikkut aamma ingerlatseqatigiiffiup (piginnittuusup) malittarisassaatiq ajornartinneqanngippat aktieselskabinit Namminersornerullutik Oqartussanit tamakkiisumik ilaannakuusumilluunniit pigineqartunit Naalackersuisut aqcutigalugit paaasissutissanik Kukkunersiuinermut Ataatsimiititaliap pissarsiniarsinnaanera ingerlatseqatigiiffiup pineqartup ingerlatseqatigiiffiutigisinnaasaanut aamma atuuppoq – tamatumani apeqqutaanani taakku Namminersornerullutik Oqartussanit tamakkiisumik ilaannakuusumilluunniit pigineqarnersut. Matumanissaaq ingerlatseqatigiiffimmi pineqartumi aktiaateqartunit allanit Namminersornerullutik Oqartussat pitsaaneruseqarnera atugassaqartinneqartariaqannginnerat mianerineqassaaq.

Naalackersuisut aktieselskabinit Namminersornerullutik Oqartussanit tamakkiisumik pigineqartunit paasissutissanik pissarsiniarsinnaanerannut tunngatillugu nalinginnaasumik nassuiaatit innersuussutigineqarput.

Paasissutissanik kissaatigineqartunit Naalackersuisut pissarsisinnaanerat apeqqutaatillugu taakku Kukkunersiuinermut Ataatsimiititaliamut Naalackersuisut kinguarsaanertaqanngitsumik ingerlateqqitassaraat.

Aktieselskabi Namminersornerullutik Oqartussanit tamakkiisumik ilaannakuusumilluunniit pigineqartoq pillugu paasissutissanik piniarnissamik ingerlatseqatigiiffiulluunniit taamaattup ingerlatsivigineqarneranni aningaasaqarnikkut innimigisassanik Naalackersuisut naleqquttumik qulakkeerinninniarsimanersut naliliinissamik ataatsimiititaliamut ilaasortap siunnersuutaa ataatsimiititaliami amerlanerussutillit akerlerippassuk siunnersuut Inatsisartunit tamarmiusunit aalajangiiffigineqartussanngorlugu ataatsimiititaliami ilaasortap kialuunniit saqqummiussinnaavaa.

Suliassap Inatsisartunit tamarmiusunut saqqummiunneqarnissaa nalinginnaasumik Inatsisartut ileqquusumik ataatsimiinnissaasa tullianut utaqqinneqarsinnaavoq.

Inatsisartulli siulittaasuata aalajangiineratigut Naalackersuisulluunniit siulittaasuata imaluunniit Inatsisartunut ilaasortat ikinnerpaamik affaasa piumasarippassuk Inatsisartut immikkut ittumik ataatsimiigiqarsinnaapput, tak. Inatsisartut Naalackersuisullu pillugit Inatsisartut inatsisisaanni § 9, imm. 2. Inatsisartut ataatsimiinnerata ingerlasup nalaani ataatsimiititaliap aalajangiinera pippat, ajornanngippat Inatsisartut ataatsimiinnerat pineqartoq naammassitinnagu, siunnersuut Inatsisartunut tamarmiusut saqqummiunneqassaaq.

Paasissutissanik erseqqinnerusumik aalajangikkanik pissarsiniarnissamik ataatsimiititaliamut ilaasortap siunnersuutaa nalinginnaasumik Inatsisartunit akerlilerneqarneq ajorpoq. Siunnersuutit taamaattut ataatsimiititaliap aalajangiinissaanut tunngaviliisooqataasarpud nakkutilliinermillu isumaginninneranut. Taamaammat naatsorsuutigineqarpoq aalajangersagaq allatut iliortoqarsinnaajunnaarangat aatsaat atorneqartassasoq. Siunnersuut uumisaarinertut ataatsimiititalialluunniit pisinnaatitaaffiik atonerluinertut pissuseqarpat, tassa imaappoq siunnersuut eqqunngitsumik tunngaveqartuusoq ilimagineqarpat aalajangersagaq atorneqarsinnaasarumaartoq naatsorsuutigineqartariaqarpoq. Misissuinissamittaarli siunnersuutigineqartoq kisimiilluni allatigulluunniit aktieselskabimut tunngatillugu ataatsimiititaliap misissuinerinut atatillugu ima annertussuseqalerpat, misissuinerup ingerlanneqarneranut sanilliullugu selskabimut pissusissamisuumngitsumik artornarpallaartutut nalilerneqarpat aalajangersagaq atorneqarsinnaassaaq.

Inatsisartunut tamarmiusunut aalajangiiffigisassatut aktieselskabimik misissuinermik ingerlatsinissamik siunnersuut akuersissutigineqartutut isigineqassaaq Inatsisartunut ilaasortat ikinnerpaamik 2/5-iilii siunnersuummut isumaqataallutik (§ 17 a, imm. 4) taasippata. Siunnersuut akuersissutigineqassappat Inatsisartunut ilaasortat 31-iusut ilaat ikinnerpaamik 13-it taamaalillutik siunnersuummut isumaqataallutik taasisariaqarput. Piumasaqaat taanna nammassineqarpat, Inatsisartunut ilaasortat amerlanerussutillit siunnersuummut akerliullutik taasisimanersut apeqqutaatinnagu, siunnersuut akuersissutigineqartutut isigineqassaaq. Taamaalilluni aalajangersagaq Inatsisartut inatsisisaanni § 29, imm. 2-mi aalajangersarneqartutut aallaavimmit allaanerussuteqarpoq, taannami malillugu Inatsisartut aalajangiineri tamarmik amerlanerussuteqarnikkut pisartussaammata.

Siunnersuummut allannguutissatut siunnersuummik saqqummiussisoqarsinnaanngilaq.

Aktieselskabimik misissuinissaq § 17 a, imm. 4 naapertorlugu aallartinneqartussatut aalajangiunneqarsimasoq Kukkunersuinermut Ataatsimiititaliap misissuinerinut aningaasaliussat iluini ingerlanneqarsinnaanngippat ilassutitut aningaasaliissuteqarnissaq pisariaqassaaq. Ataatsimiititaliamut aningaasaliissutigineqartunit sinneruttut misissugassatut aalajangiunneqartup ingerlanneqarnissaanut naammangitsutut Kukkunersuinermut Ataatsimiititaliamit nalilerneqarpat ilassutitut aningaasaliissuteqartoqarnissaanik Kukkunersuinermut Ataatsimiititaliap Inatsisartut Suleriaaseq pillugu Ataatsimiititaliaannut qinnuteqassaaq. Inatsisartut § 17 a, imm. 4 naapertorlugu aalajangiussaata ataqqillugu Inatsisartut Suleriaaseq pillugu Ataatsimiititaliaata ilassutitut

aningaasaliissuteqarnissamik qinnuteqaammik taamaattumik akuersissutinninnissaa naatsorsuutigineqarpoq.

Aktieselskabit Namminersornerullutik Oqartussanit pigineqartut pillugit paasisutissatut pissarsiarineqartut, paasisutissat isertuussassatut tunniunneqarsimappata, Kukkunersiui nermut Ataatsimiititaliamit, taassumalu ilaasortaanit atorfilittanillu nipangiusimaneqartussaapput (§ 17 a, imm. 5).

Paasisutissanut taamaattunut tunngatillugu Kukkunersiui nermut Ataatsimiititaliap nipangiusimannittussaataitanera, Inatsisartut Suleriaasianni § 13 naapertorlugu nipangiusimannittussaataitanerup akerlianik, sanioqqunneqarsinnaanngilluinnartuuvoq. Taamaalilluni Suleriaatsimi § 13, imm. 2 naapertorlugu pisinnaanertulli Kukkunersiui nermut Ataatsimiititaliaq erseqqinnerusumik annertussusilerlugit nalunaarutit tamanut saqqummiunneqassasut aalajangersinnaanngilaq.

Nipangiusimannittusaa neramik pisussaaffiup nassataraa, ataatsimiititaliami ilaasortaq partiimini gruppiminut paasisutissamik isertuussisumik tunniussanik ingerlatitseqqiisnaannginnera suliamili tunngaviusumik ajornartorsiuteqarfiit ataatsimut isigalugit ilisarnarunnaarsarlugilluunniit paasisutissiisnaanini annikilliliiffigisariaqarlugu.

Pisortat isumaqatiginninniutaasa isertuunneqarnissaannik unioqqutitsineq (Kalaallit Nunaanni pinerluttulerineranut inatsimmi § 20) aamma sulineranut atatillugu nipangiusimannittussaataitaneramik unioqqutitsineq (Kalaallit Nunaanni pinerluttulerineranut inatsimmi § 20) pinerluttulerineramik inatsimmi aalajangersakkat aqqutigalugit nipangiusimannittussaataaneq pineqaatissiissutaasarpoq.

Kukkunersiui nernulli Ataatsimiititaliaq pissutsinik Namminersornerullutik Oqartussat aktiaatilitut soqutigisaannut tunngassutilinnik Inatsisartunut ilisimatitsinissamik pisariaqartitsippat ataatsimiititaliaq immikkut isumaliutissiissusiussaaq – isumaliutissiissut paasisutissamik isertuussassamik imaqarsimappat - matoqqasumik oqaluuserineqartussamik.

Landskarsip naatsorsuutai pillugit siunnersuummut Kukkunersiui neranut Ataatsimiititaliaq ukiumut ataasiarluni isumaliutissiissuteqartarpoq (nalinginnaasumik Inatsisartut ukiakkut ataatsimiinneranni). Namminersornerullutik Oqartussat aktiaatilitut soqutigisaannut tunngatillugu immikkut isumaliutissiissutigineqarsinnaasut tassunga atatillugu saqqummiunneqarpata pissusissamisuuksaaq, taamaalillunilu Landskarsip naatsorsuutaanut siunnersuutip, immikkut isumaliutiissuteqarfigineqartup, aappassaaneer neqarnera taassuma matoqqasumik oqaluuserineqarneranik aallartinneqarpat pissusissamisuuksaaq.

Taamaalilluni immikkut isumaliutissiissut Landskarsip naatsorsuutaasa oqaluuserineqarnerannut attuumassuteqarluni isumaliutissiissutip ilaatut iluseqalissaaq, taamaammallu immikkut inassuteqaammik imaqarani. Inatsisartut Suleriaasianni § 49-imi oqaluuserinninnerup naammassineqarnissaanik aalajanger nermit, Inatsisartut Suleriaasianni § 50 malillugu ullormut

oqaluuserisassap atorunnaarnissaanik aalajangiinnermit allaasumik (tamannali Landskarsip naatsorsuutaannik suliarinninnermut atatillugu nalinginnaanngilluinnartussaavoq) kiisalu Inatsisartut Suleriaasianni § 51 malillugu tatiginninnginnermik nalunaarnissamik aalajangernermit Inatsisartut immikkut isumaliutissiissummik oqaluuserinninnermini aalajangigaqarsinnaannginnerat tamatuma nassatarissavaa.

Isumaliutissiissut ataatsimiinnermi matoqqasumi suliarineqartoq Inatsisartunut ilaasortanut Naalakkersuisunullu taamaallaat agguanneqartussaavoq. Taamaalilluni isumaliutissiissut tamanit pissarsiarineqarsinnaasuusanngilaq. Naalakkersuisut akissuteqaateqarsimappata taanna Inatsisartut ilaasortaannut taamaallaat agguanneqartussaavoq, taamaalillunilu aamma taanna tamanit pissarsiarineqarsinnaassanani.

Immikkut isumaliutissiissuumik Inatsisartut suliarinninneranni Inatsisartuni Naalakkersuisunilu atorfilittat ikuuttut najuunnissaannut aalajangersagaq mattussisuunngilaq. Atorfilittat pineqartut atorfimmut atatillugu nipangiusimannitussaataaneq pillugu pinerluttulerinermik inatsimmi aalajangersakkani ilaatinneqarput (Kalaallit Nunaannut pinerluttulerinermik inatsimmi § 29).

Inatsisartunuttaaq ilaasortat pinerluttulerinermik inatsimmi § 20-mi aamma § 29-imi ilaatinneqarput, taamaalillutillu assersuutigalugu Kukkunersiuinnermut Ataatsimiititaliap immikkut isumaliutissiissutaanik Inatsisartut matoqqasumik suliarinninneranni atorfimminnut atatillugu paasissutissanik isertuussassanik pissarsiarisaminnik ingerlatsiseqqikkunik pissusissamisuunngitsumilluunniit atuigunik pineqaatissinneqarsinnaapput.

§ 2-mut

Siunnersuutigineqarpoq inatsisartut inatsisaat ulloq 1. januar 2007 atuutilissasoq.

Namminersornerullutik Oqartussat aktiaatilittut soqutigisaasa inatsisip atortuulernissaa sioqqullugu Naalakkersuisuisunit isumagineqarnerat Kukkunersiuinnermut Ataatsimiititaliap nakkutilliinnermut pisinnaatitaaneranut ilaatinneqanngilaq.

1. januar 2007-illi kingorna Namminersornerullutik Oqartussat aktiaatilittut soqutigisaannik Naalakkersuisut isumaginninnerannik Kukkunersiuinnermut Ataatsimiititaliap nakkutilliinerata pisariaqalersippagu, Kukkunersiuinnermut Ataatsimiititaliap naatsorsuutitut paasissutissanulluunniit allanut tunngatillugu, ataatsimiititaliap naliliinera malillugu paasissutissat taamaattut ilanngunneqarnissaat pisariaqarpat, inatsisip atortuulersinneqarnissaa sioqqullugu pisunut tunngassutilinnik pissarsinissaanut piffissaq atortuulersitsivissaq akornutaanngilaq.

Tamatuma assinganik inatsisip atortuulersinneqarnissaa sioqqullugu piffissamut attuumassuteqartunik, ataatsimiititaliap § 16 a naapertorlugu

piniarsinnaatitaanerinik atuineranut atatillugu Ani-ngaasaqarnermut
Ataatsimiititaliaq paasissutissanik, aningaasaleeqataassutissanik
qularnaveeqqusiinissamilluunniit siunnersuummik qinnuteqaammilluunniit
ataatsimiititaliap suliarinninneranut ilaatinneqartariaqartutut ataatsimiititaliamit
nalilerneqartunik piniarsinnaavoq.